



谷口山房集

序

素蘊雖間爲詩而于所
以爲詩之道未有所窺
吾友劬菴子獨不相鄙
棄嘗謂之曰夫詩非徒



以飾章句攬光景襲前
人之餘響逐世間之情
事爲也古三百篇多婦
人女子里巷歌謠之詞
彼豈知所爲前篇已事

諛言詭託者歟而先王
采以登之郊廟播之律
呂用之邦國良以其質
任自然本乎中發乎外
其作也非以爲人祇自

道其情之所由感及心
之所欲言故其人之性
情存焉而凡有性情者
誦之爲興爲觀皆可用
以相感教斯行焉矣吾
子雖不以詩自鳴然所
作皆直吐胸臆無所詭
飾發乎情止乎義非如
今之人因事與人以爲
詩詞雖具而情不存焉

者也。劬菴之論詩如此。蘊因取劬菴詩，竟讀之。雖其間不無贈答吟咏之什，然每篇之中，其義皆有所歸，尤長于體物。

序事或因譽以爲規，或卽物以會理，刺人也而實以風世，紀事也而可。以考時，咏物寫景也。而其山川風土物產俗尚。

之美惡貞淫時會之變
遷好尚政教之得失興
廢皆自可因而得之斯所
謂不徒作而存一己之
性情可以感乎人之性
情者矣又劬菴之爲人
內方正而外踈通風流
善謔雖蚤成進士而仕
宦不達困頓輒軻自少
之壯自壯且之老矣其

生平所學不得見之手
世者胥于詩乎發之讀
其詩如見其人凡識與
不識莫不企慕願交焉
劬菴豈徒以詩傳者哉

乃以仕宦不爲生產終
窶且貧日奔走四方營
其脆以養其父足跡幾
遍天下所得詩亦最廣
晚年合歷遊諸集數數

自加芟除存者僅十之
五手寫自攜不卽付剖
劂其意蓋有所未足欲
俟學問日漸增益而更
數刪定之也戊辰秋過

我皖署蘊亟請之劬菴
終不肯予蘊乃曰君攜
持行路烏能無盜賊水
火之虞畢生精力獨不
可念乎劬菴乃鞞然上

笑而付之蘊因得鳩工
付梓以公同好顧旣不
能如劬菴有窺于所以
爲詩之道又何足以論
其詩亦惟卽劬菴之所
爲論詩者以論劬菴之
詩而已劬菴更有古文
百餘首尤不自以爲然
蘊于武昌并請得之續
刻于後劬菴交最廣凡

海內文人詞伯莫不知
有劬菴會當有起而論
其詩若文者蘊終不敢
自謂能知也

康熙二十八年歲次己

巳仲秋望日玉萃楊

素蘊題



谷口山房詩集舊序

河濱李楷叔則誤

詩聲也有有聲之詩有無聲之詩碎之軒渠
於邑嘆嗒叱咤聞之而即知其性情之喜怒
哀樂不俟其詞義畢陳綢繹再四始可以得
其十之五也有俛者焉有詭者焉其出不根
於中其變遂塗乎外風雅不聞勦說亡當作

者亦不能自定其何心人之聞之又焉能以
無惑夫詩至於發人志意者其善也詩之使
人惑者吾奚取焉且夫詩之作也何爲也哉
將以一己之所欲言言之則骨節珊珊旋已
成響腸轉轆轤耳中蟬緒故有詩之未發者
矣將以大地山河人倫事物時遇景會之不
齊者不可以無言則風喧雷奮鳥鳴獸語不

可以譯而可以意會者天下之人或必有先
予而言之者矣詩之爲教內淑身心外治宇
宙非己之急務與天下國家之大故可以不
作作之無益此刪後無詩之說也吾弟岷瞻
氏生平學杜陵其爲詩也不以詩其於琴書
奕酒繪畫之事無之而不以詩乙未之夏過
廣陵談詩雖俄頃予卽知其深心斯道秋又

晤于枚叔之里出其所作悉以相示予迺謹
避三舍語所知曰予咎如岷瞻之年尚未有
以自立也今予過達夫之齒而詩猶在遠近
離合之間岷瞻英英直上迺欲彷彿杜陵豈
惟予哉岷瞻既與四海之君子遊其與工部
後先者今已有合後將日深他日與論當時
之務及古今忠孝大節政教得失學術醇駁
之故岷瞻偉議颺淑辨議詳核而無一或戾
于聖賢之指歸岷瞻於是乎遠矣予一言以
蔽之曰性情之間不爲詭托是卽三百篇之
正宗也

谷口山房詩集舊序

宣城施閏章撰

立言之可傳者本之有物出之有章而其擬
議變化要眇而不可測故簫韶之樂非一器
之音易牙之庖非一俎之味詩書六藝之文
非一言之美其所積者深以廣則其所發者
大而該也文者道之餘也詩者文之一體也

而風氣性情嘗因乎其地視乎其人昔遊京師稱詩諸公間大梁趙錦帆謂余吳人能不操吳音余笑曰吳音非不佳患不善吳音耳豈必規規焉步趨中原哉然而東南之音多失之靡西北之音多失之厲殆繇性成求其兼長而寡病君子以爲難屺瞻秦人也余見之孫豹人坐上其雄爽之氣勃勃矚宇而自

秦之晉南游江淮所遇山川風物寄興屬懷情隨境移蔚焉蒸變觀其羈旅無聊不平之作蓋秦風而兼乎吳楚者耶屺瞻春秋方富擬議變化其進未有已嘗爲余言母夫人見背時生甫十許日陟屺之痛抱恨終天往往見之於詩使人不可讀余三歲喪母與屺瞻差異而抱痛則同每語及此相對泫然不忍

谷口山房詩集
言詩吾又嘉屺瞻之不僅以詩自翊也爲序
而識之

谷口山房詩集舊序

龔山方文撰

吾友叔則聖秋豹人杜若皆秦人也而杜若
時時向予言屺瞻之才不可一世予心識之
及屺瞻遊揚州見豹人豹人亦稱予詩不置
屺瞻謬加賞焉乙未初冬予至舊京寓城南
古刹先是屺瞻亦寓此東西僧舍絕不相聞

不日山房詩集
一日過中州張水蒼適相值纔通姓名彼此
驚喜吧瞻卽誦予寄豹人霜江掛席南風正
之句四章一字不舛于是兩人傾倒至矣索
水蒼酒飲之惟呼竟夜明日予偕水蒼過吧
瞻吧瞻亦具殺核出詩贊予其詞清以麗其
氣壯以激其思哀以深蓋元本于性情禮義
而出之不屑屑時趨者也吧瞻詩人哉吧瞻

曰冬春之交吾將作龍眠遊龍眠山川人物
甲江表使吾得吟眺其間詩思必有助所作
恐不止此予曰甚善前豹人杜若來龍眠與
我黨朝夕諷詠篇章驟富濱行各錄龍眠詩
一卷以傳今君繼二子後工力悉敵而年獨
少氣益豪其詩必與二子鼎峙或者較二子
更有進焉未可知也予掃逕待之矣

更自載詩未可吟也予歸感於之矣

山房益遠其精必與二千鼎制短香燭二千

亦以消公等繼二千外工亦悉竭而平

非黨原又屬精篇章總富齊各疑前疑精

志不山說予曰其善前後人其亦來請知與

甲以善後善後人其間若思必肯與俱非

曰於於之交言辨非前則數語類以與人

谷口山房詩集舊序

舊京顧夢游撰

屺瞻制科文膾炙海內余心企焉思見其人

不得屺瞻亦知余者至白門即過余家不值

則形之吟咏時余方避迹而門失其刺實不

知屺瞻來也逾月伯紫札問何為不過屺瞻

為之駭愕狂喜意中屺瞻從天而下急走把

晤歡若平生間日集翼仲許吧瞻水蒼爾止
皆在是日得吧瞻詩帙竟夕不能釋手吧瞻
詩聲調格法居然少陵也然皆有觸而發本
于情性求其刻畫摹擬之跡終不可得良工
苦心矣嘆其年力之富歲月之未深而遽至
于是是以不釋也三過吧瞻飲半醉謂余曰
詩難言之吾與子笑從應之曰虛吧瞻疑焉

曰譬吾有身玉乃神強乃骨洪乃聲充乃榮
衛猶虞不振子曰惟虛之求其何以立曰不
然昔之稱絕伎者吾聞之庖入間而牛解佗
按穴而病去龍點睛而體飛頰添毛而眉動
是以神仙宅靈必栖窅洞空青含水不處頑
石凝神屏息以造句而不干其至靈至變者
以求之烏覩所謂精思者哉共效一體而雅

俗懸共用一事而工拙懸。共落一想而深淺懸。所爭微茫千里萬里。撫詞者實。匠意者虛。實則易盡。虛乃無窮。善虛者不病。實能以實虛。愈實愈虛。愈虛愈實。他人通篇不盡一意。少陵一語能盡數意。是以獨有千古。後人求之于實。生吞活剝而去之。愈遠不知其妙。于用虛也。吧瞻莞爾而起曰。得之矣。吾與言詩者多矣。肥非其癢。口蕙心仙。今日于此有會。何不以序吾詩。遂書其首簡。

谷口山房詩集舊序

虞山蒙叟錢謙益撰

故御史大夫謚敏肅涇陽漸庵李公萬曆之
偉人也余兒童時已知頌公如蘇子之于韓
范富歐長而奉教于先達知公為趙浚谷先
生之壻微言大義扣擊于浚谷者為多余評
定本朝秦文以浚谷為冠首行求李公之文

唯流傳奏疏每爲慨嘆今年游白門得見李
公之曾孫吧瞻弓冶箕裘羽儀具在不獨塵
中郎虎賁之思而已吧瞻以詩草示余屬爲
是正吧瞻之詩如陳正字行卷一日而傾維
下何埃余言余觀秦人詩多仇厲用壯有
鞞鞞駟鐵遺聲吧瞻得行安節和一唱三嘆
殆有得於蒹葭白露美人一方之旨其諸風
雅之餘音乎詩曰管吾有先正其言明且清
盛明之世大人君子詒謀善物皆有溫柔敦
厚愷悌易直之流風觀于吧瞻之詩余之頌
慕漸庵爲不徒也已

其澤潤物不窮也

其澤潤物不窮也

其澤潤物不窮也

其澤潤物不窮也

自序

古今不朽之事立德與功尚矣其次則疏經
翼道有裨後學斯為立言之實耳若徒以與
世周旋因境會事物之交而吟詠敷陳集成
卷帙其至焉者流傳後世未至焉者亦或傳
播一時極之止為文人詞客之勝技而未可
以立言稱者也然當其交于外也必中有所

存乃相感焉既感而不能已于懷作爲詩文
行乎其所不得不行止乎其所不得不止事
也而理具物也而道存賦頌贈荅毋過其實
毋戾于正或有所引喻以相規或有所表章
以風世外之所著適如其中之所感無所詭
飾則仍歸一己性情之事而非將以徇人求
名者其傳與弗傳皆可勿論也顧梓而行之

希冀傳聞謂非求名之事乎雖然所作卽未
能感人而一己之精神在焉雖有存稿不無
水火亾失將性情之寄或身未歿而先已亾
失者有之矣夫吾身受于父母剪剔爪髮猶
念爲遺體之屬不忍遺失所賦于天地之性
情獨聽其僅存笈篋中坐待散亾而漠不置
念亦非敬天命者之所敢出也念慈幼既失

谷口山房詩集
學長而仕宦淹蹇糊口四方精神耗于窮愁
歲月荒于道路自壯之老初知嚮學而心力
衰耗不能有所造入徒隨遇應接稍著詩篇
文則仕非顯達凡關繫政教民生之事末由
與焉而學識踈淺于經史之文亦未敢輕爲
論解所作無幾大端不越世俗應接所爲尤
不足存獨念畢世閱歷精神之所寄不敢聽
其散失而無力授梓時攜行笈中愀然念之
會退菴楊中丞謬相許可慨然蠲資爲付削
劂今而後亾失之患可以免矣中丞厚意良
可感也已至于集中所收自今以往之寓目
者或爲詆或爲譽或傳或不傳俱聽之今時
後世都置不論吾但存吾性情而已

康熙二十八年歲次己巳孟冬之吉涇陽李

念慈題于武昌客館之西閣

讀李峴瞻先生放吟書後

龍眠方中德

余與劬菴別五年矣先是在江舟中夢與劬
菴聚首方辨色亟令家僮詢津頭秦中人彼
知余每過必咨劬菴狀爲語近自長安來時
遊吳門不久仍至邗上余大喜心動不可遏
時將之淮陰緣是暫止因海陵刺史與余有

世講誼遂適海陵以候之居凡三月餘一日
刺史忽手劬菴數行見示卽夕爲具舟楫令
其邁往相見熟視急不能吐一語旋屏車騎
携手徒步出郭門登舟呼酒痛飲問答先後
都無倫次至夜半抵足猶刺刺不休臨行出
一帙授余曰覽此可悉別來情況余受而讀
之作而嘆已而復詠歌之不能已劬菴之深

於詩母俟再論獨其古摯沉激有心者讀之
未嘗不刺心者其於白髮之親平生之友纏
綿隤側致足感人余尤服其於最不得意之
時確乎不拔其志然則抑鬱困頓天固所以
成劬菴者豈尠小哉劬菴今方以知己推轂
得以展其才於當世余何復沾沾曩不得志
之時若同於悲歌慷慨骯髒牢騷也然劬菴

固不以榮華易其常度者惟祝劬菴得遂平生所欲爲爲吾鄙抒數年不平之氣斯則所望於劬菴者甚大且重也至余兩人之情各有不得已又豈徒言辭所可盡乎哉

讀李屺瞻遊浮山詩書後

同學顧夢游撰

屺瞻天才也其爲詩細意刻畫虛懷商訂字字原本古人不有其才故其才畢出而與古相當浮山六詩興會所至尤爲手調筆和今詩家輕言頓悟閉門不必合轍輒喜上人而工力火候究未可強請以屺瞻參之

正火新寒未可缺請以細觀泰之

...

...

...

...

...

讀李岷瞻谷口山房詩書後

同邑韓詩撰

猶記壬午冬與吾友長卿石子掃雪登西嶽

坐北斗坪西北望仲山雲際云其下有岷瞻

氏年少抱奇致為吾黨張一軍者已從楊文

宗再稱岷瞻真奇士余措之懷中十五年所

而不得一見其人以為恨事去秋得里中賢

谷口山房詩集
書喜屺瞻據鹿鳴第一輩座又于都門識其
爲人始歎所得之未能盡也一日訪余虎坊
夢舫出是編相教讀之數日夕不倦及余往
屺瞻所欲與論詩而屺瞻目將策蹇以去挾
其飛鳴之業彈指三年何難破敵奪幟獨恨
以屺瞻之才尙使之逐逐道路豈世無歐陽
子雖有眉山亦不易合而屺瞻將縱游大江

以南務交其偉麗竒博之士以觀山川人物
之秀皆能歸於詩文而益大其心靈變化乎
余卽不敢畱屺瞻矣而又使余不能措諸懷
矣安能起長聊而與論千古詩家之故哉

吳文謂跌宕俚而與篇千古指家之姑若

余唯不文謂即都矣而又更余不謂昔詩家

之今者謂體然精文而益大其心靈變出乎

以謂其真意音律之工以歸山川入險

谷口山房詩集評

顧黃公景星曰劬菴五言古在選體中唐之

間其光潔不可及而無一字戾于法七古

克實完暢激宕洋溢往往于結句方見筆

力蓋古人謂七言古以結處徵才所謂千

軍萬馬寂若無聲是也五七律皆以理氣

為骨而音節深渾充長于述事肖物不可

名曰詩集
那移五排開闔鋪序俱極老到七排才氣
足以驅使法律整齊絕無扞湊五絕本以
含蓄爲三昧劬翁于最淡處最有餘韻如
空山清磬一聲已足七絕已入唐人之奧
至妙處不容言贊

又曰星嘗與周櫟園論拗體音調時人多不
解叶韻劬翁集中拗體無不合作先生諸

體各臻厥勝此必傳之集能不拜倒

又曰詩以氣行方是好詩劬翁勝人在此

又曰細看劬翁詩逐年加工漸平漸奇漸穩

漸動火候到時方知吾說

又曰劬翁詩妙在力量深厚而神宇復爾安

和

又曰作詩必貴乎真秋水芙蓉真詩之辭致

也凶年菽粟真詩之骨格也劬翁兼而有之

又曰登華詩叙山水處非不奇絕要皆溫醇爾雅之音似少陵秦州諸作而安和似過之

又曰憂悶詩字字勁練氣勢激昂讀之不覺其醜縷較少陵壯遊更暢

又曰書汪五河爲母詩後中忽自叙一段至性之言令人淚落必如此方是忠孝真種子彼粉飾油水者烏能道及

又曰客長安中諸篇皆如駿馬下阪輕車熟

又曰讀庚申元日初度作乃知聖命務觀雜叙年華諸詩有過白香山處正以其心胸

開拓能貞遇知命耳

又曰荆州六首須與工部諸將五首同讀

又曰空同秋興乃懸虛而說劬翁此詩乃據

實得之忠悃殷憂才力識力俱在其中

又曰軍中十四首雖起杜陵老子亦不能過

胸次高深老筆盤詰有此鉅篇誰敢爭坐

春日述懷詩復冲融澹落如聽松下玉笙

月中金管故知大才無所不可

又曰秋風詩四轉韻俱平而讀之不礙于口

由下句靈醒一

氣貫串故

又曰先生古詩篇篇皆首尾一氣

又曰漢陽一帶詩莊重整齊有嘉隆盛世之

風

又曰蜀道詩狀景寫情自然高爽老杜本宗

康樂而變其狹澀是以千古劬翁其後來
獨步歟

又曰讀工部詩至白帝城中雲出門白帝城
下雨翻盆每嘆千古奇句更難嗣響劬翁
叙州城下起處春雨滴江鳴高山擁郡城
足以敵之

又曰巢雲亭詩石橋渡馬寒林外木末歸鴉

返照中有能畫得寒林不能畫出返照杜
詩野橋齊度馬可畫此不可畫雖由劬翁
少年能畫從胸中境界得來然此乃化工
矣

李艾山 浙曰劬菴四言詩俱自三百篇出如
後人做造商彝周鼎幾欲亂真

又曰劬菴凡述懷作自道生平梗槩輒灑灑

數百言如大江東注不可止過何其富于
才而嗇于遇耶然迹其詩中自訟自遣處
益實有見于道而確然能守則其不偶也
益未可以世俗得失論之矣

谷口山房詩集總目

卷之一

谷口集

詠史 村居懷友 小園款仙臺廢基

冬日喜蘇君解綬歸借居近舍 題畫二首

看長卿先生書屋 為圃 瀑園醉歌

渭雨吟八首 卽事 秋晴 訪王猿客村

暑 東湖訪費子范出近詩 短歌行 猛

虎行 烏生八九子 題畫二首 偶見 雨

人目送杜工綠事入青門三首 野菜 雨

後看溪畔桃花 夢中絕句 題畫二首

送僧 張孝廉穉升挽歌 王節婦詩四首

述懷 感憤 過村翁 春日集楊氏園

亭攜妓飲餞魯慎五副裁 贈祁開西宣慰

二首 春旱邑明府滕公梅羹步禱甘雨旋

浦志喜

卷之二

出塞集 適莊西馮公幕畱別諸子 關山 秦

州由冰橋上渡黃河行 莊浪城西水聲

雜詩五首 莊西立春夜感懷二首 除夜

已丑元日 正月五日見月 憶昔 病

中喜里人來得家書十二韻 古意 春日

莊西送客 春日莊西看雪 喜雪呈馮公

夢馬來西 不得馬來西消息 懷朱元

定茂才 西園蔬畦初成課園丁疏渠引山

泉入 得舍弟書二首 孟夏二日馮公署

中海棠始放小飲花下 莊西看月 聞北

寇陷蒲城消息二首 秋日莊西送客因寄

家書 馮公署中望雲樓歌 西涼雜詠二

首 阿壩東山晚眺 題畫 臘月十五夜

示友 閨情 醉歌行贈馮公

燕臺集 路逢故鄉客 慈仁寺雙松歌 觀政

新授民部 放鶴 贈徐鳴玉先生 七夕

四首 秋砧 寄上督師白公 寄上尚書

卷之四

南遊集 晚度故關 道逢酒車 長安憶弟

河有感 飲淮上酒舍 淮上寄別族祖

舟次瓜步 客夜 金陵訪顧與治不值

僧葦航送菊 九日金陵寓樓獨酌 止飲

贈效吉 訪僧在遠 雨花禪房 雨花臺

晚望 贈倪閣公茂才 書汪五河為其母

詩後 客夜杜蒼舒自采石寄書至言當

來白下相看越日即至相見狂喜因憶同社

諸子情見乎辭 金陵寓中對雪 客中夢

遠行與家人別 長至日書懷 至日張水

蒼餉黃柑白酒即招趙翁王僧同醉漫成

訪紀伯紫不值 臘粥 哭馮公宗尼 夜

坐 閣夜 江上老人歌 贈牛椿年 臘月

廿二日金陵寓中 家人至聞故居賃人移

家南舍湫隘特甚心頗煩憂作詩遣懷 送

周元服山人遊淮上 乙未除夕 丙申元

日 人日對雪 初春懷張水蒼蕪陰 將

去金陵別僧葦公 銅陵曉發 楊柳 小

孤山 江中放舟 江州旅次東王恢傳 虎

行匡廬山下 宿圓通寺 廬山道上 山行書

溪 王恢傳內兄明府署中夜話 山行書

懷 登滕王閣 江上送王炳傳還里 吳

城阻風 出湖口弔強玄叅孝廉 江魚數

桐城贈石伯融表伯 登浮渡山 滌岑

招隱詩贈陳默公先生 題西陵女子抱鴛

圖為方爾止悼公先生 秋日孫喈公招飲晚香

堂同郭冰盞姚明兩經三翼侯四君醉歌

雨夜飲姚經三齋索畫 九日客桐城有感

戲作 龍眠游歸喜方田伯位伯見過至夜

邀集高齋有贈兼索其尊公無大士繪妙

月夜集左子直內齋限韻 孫喈公內齋小

飲 桐城贈石仲昭表叔明府 壽馬母

九月左子直宅看紅梅 山中喜嘲左壯于

趨歸城中時壯于新婚 宴集陳默公滌岑

喜吳亞侯自浮山來同酌即送左子直游粵

東 龍眠將發諸子祖酌晚香堂雷別兼送

左子直遊粵東 出桐郊承諸子攜具相送

雷別次樅陽別孫子穀再送左子直

雪 春日 清明 金陵將歸喜杜公履至

得家信 金陵舟發別顧與治 憂旱 憂
旱不眠 途中苦熱書所見 將曉過商丘
北門 宋中遇雨 寧陵曉發 歸自南中
上韓幼公先生

卷之五

燕臺續集

寓定 送王子重下第還黃州 楊
成 述懷 壬子長至客京師作

旅夜 出飲 詩成 霜月 得勝姚彥昭
孝廉 贈陳印倩處士 贈成我存給諫

病後 題友人觀奕圖 遣使 聞韓燦之

齋中梅花盛開作詩貽之 答燕客自歷下

寄詩見懷 長安冬杪贈林幕僚 壬子除

夕長安旅寓作 癸丑元日 米澄 探春

呈計甫草孝廉 春夜看月 贈容齋弟

侍講 得家書 問客行 東風 虞天王

同年視學江南 成我存諫垣招飲 送郭

介繁同年視學滇南 送前侍御召林弟謫

今信宜 定西侯唐太夫人六十壽 擬瀛

洲亭應制 擬瀛臺召試應制 擬南苑大

閣十二韻 喜聞家鄉雨足 雨 處士歎

呈孫豹人 贈孫豹人 長安東曾庭聞同

年 長安喜晤劉淑止孝廉話舊并及近日

仕宦之難 紀夢 客歎 有感 因姚彥

昭寄懷方田伯茂才 思歸行 幕中讀書

歎 清明日同友人出飲天寧寺 送張公

振孝廉旋里 宮怨 春日 新婦 使至

聞滇閩粵三藩告老各允歸安插 懷常

靜伯內弟 寄姬人 長安送程然明代李

子靜閣學將眷歸吳卽之楚赴其幕下 壽

梁仲林司空十二韻

長安送王子允歸省

卷之六

南遊續集

華州道上張伯式邀餞泚園 贈別
代內 將登太華次嶽廟蚤起愁雨

卷之

愁廣陵送任叔源來自閩中北上冬夜
 灑堂看月示豹人 灑堂蠟梅 米盡 席
 止贈歌兒夢珠 歲暮邗上述懷兼呈王貽
 上李 邗上長至 冬夜灑堂餞孫豹人
 之鹽官 廣陵雜感 擬出塞 雜興 題
 汪湛若上已梅花卷後 江舟夜發 燕子
 磯 紀遊 哭顧與治 過公友顧與治舊
 居 鳳羽兄七十 鄧元昭先生萬竹園奉
 陪施愚山副使 鄧元昭先生招重過萬竹園飲同
 之江右 鄧元昭先生戲東訊孫易公晚香堂菊
 施愚山副使 戲東訊孫易公晚香堂菊
 歲暮寄懷海杓司宣城 與家兄舍姪守歲
 金陵 辛丑元日 正月二日康小范孝廉
 招同諸子飲集有懷林二史孝廉 與歌兒
 舟發 江泊看月 西風 潤州夜泊憶
 舍弟 周濂溪先生祠 竹林寺 金山
 飲金山寺下廊還就舟中小酌南渡 舟飲
 焦山 焦隱士祠 朝石尤 丹陽道中

春日梁溪舟中看雪 錫山雪泊 雪晴
 臯橋 沙湖盜 青浦道中 松江舟中
 松江寺寓十韻兼呈梁翀天大將軍 春
 日張友鴻招飲家園索童子度曲 送張友
 鴻司理滇南 客中見海棠有感 吳六益
 池亭看花 徐文在西奈山居 信宿董得
 仲東山草堂 雨臥 雨不絕懷友人浙中
 晴 軍城雷雨晚霽 登秦駐山看海
 秋日客石門卻懷雷霖公明府因及鹽官泊
 處 得家書 憂舍弟 辛丑立秋日述懷
 閏七夕 金陵納妾夜坐鐙下有感 閏
 夜 述別 西風 擬閨情寄行人 停舟
 毘陵與友人別 與小妻寄秋衣 虎丘值
 友人泥飲 秋氣 舟夜 奉贈錢牧齋先
 生 青浦舟中 十四夜舟中看月 復到
 松江贈徐武靜 中秋至松江太保梁大將
 軍招同諸子宴集待月 中秋夜有憶 中
 秋野泊看月卻寄呈梁太保公 秋夜舟行

畏盜口述 瓜洲夜行 風急 再到邗上
畢國兆招飲席上作 冬至 寄贈王思齋
納言 贈劉彥度
去維揚畱贈居停主人

卷之八

苦吏集

蘆龍雨宿次王築夫韻 雨止曉發
汴城 泥沙 汴城守歲 壬寅元日

開封初度 初月 穀日開封作 春日開

封思親作 春日開 封懷杜蒼舒南中 春

日開 封雪晴都平倩招同孫晶如李于郊飲

集 小獵荅王築夫見贈 中途 不回

春日平臺懷古 客夢 春日開 封故周藩

後山子晚眺有感 肅寧道中 歲杪蚤發

靜海 陳都閩座上集同陳藹公醉歌 外

簾役歸新城道中逢九日有感 春日擬得

奔喪里門 別南鼎伯郡丞

卷之九

居東集

赴鞫山東濟寧道上作 杆聲 東土
芍藥 櫻桃 登李太白酒樓 南

池 鐵塔 居東 大風 雨後宿岱下新

莊 濟南道中馬上懷張梅菴太守南鼎伯

郡丞 答主人 移寓 紀事 五日 奉

贈前諫議孫作庭太常 鈞突泉 白雪樓

泛舟明湖 寄懷周元亮先生青州兼有

所託 不雷 夏日候鞫東郡答小妻索單

衣效香山體 就寓黃洸洲草堂 茉莉

濟寧聞蟬 蟬 偶作 有懷邑西劉氏書

屋昔遊諸子即東淑止肯獲 濟寧僧恒公

募修藏經閣成 霜 夏日羈濟寧汪惟肖

吳璧如舟之三子邀出郭蔬飲 蝗 荷花

煎 李燮五州守招飲值雨賦謝 雨 濟

寧羈寓喜計甫草至 示甫草 濟上見西

風有感 甫草貽墨 三絕句示甫草 過

恒上人荷沿 羈寓 午眠 贈高生 立
 秋前一日王蘭坡水部招集署齋二十韻 獨坐 天河
 立秋日濟寧作 七夕愁雨 秋興 獨坐 身世 可
 登太白樓 雨 濟上秋興 懷汪茗文指揮
 憂 微雨 桔槔 感物 遣懷 林公行
 夜熱 漫興 偶坐 遣憤 遣懷
 秋宵看月 復晴 候 蜘蛛 看雲 螢 秋風 涼風
 二柏歎 洗水 復晴 候 蜘蛛 看雲 螢 秋風 涼風
 雷歎 洗水

卷之十

居東集二

寒衣至 畏人 對月有感 使絕
 雨行 雨過 寧陽西門 雨宿
 過岱下諸村望嶽 秋夜 夢覺 感懷
 贈醫韓翁 濟南長至日 千佛山高頂
 曉起 阿綏彌月信到濟南 寺僧丹堊殿宇
 晤起 阿綏彌月信到濟南

工匠喧雜借寓小移殿側居生書舍 晨起
 未沐客至攜餉酒脯諸物 獨坐 趙浮山
 見贈三詩依韻奉荅 施愚山副使入 賀
 回過齊河子自濟南往晤雪夜論文賦贈
 憑愚山寄訊豹人 過趙君孚昆仲承具食
 相畱更出家僮圍碁鼓琴勸酒 卻東君孚
 戲筆從趙副戎索箭 從羅茂才乞酒
 羅送酒二小瓶走筆嘲之 施愚山副使自
 九月入 賀過河間見子苦吏吟垂悉近狀
 見懷四首緘寄任丘仲冬竣事回過齊河子
 自濟南馳晤數日後前詩方達奉和卻寄
 李滄溟先生墓 追懷故侍御盧德水先生
 相 歷下過周櫟園先生行署即事時先生入
 代 覲入朝 妖鳥 歷下因孫仲孺奉答
 尊公 覲先相公 有 感 寒 婦 怨 除 夕 前
 二日濟寧道上 甲辰除夕 示從者 乙
 己元日 濟寧元夕 疾風 愁夜懷施愚

山先生卻檢其偶存草細讀有感 春寒作
夕坐有感 曉寒 春閨 荅客貽花枝

濟寧南市藤 出郭 風惡 火 棄婦吟 童
行人有感 對酒 風惡 火 棄婦吟 童

烏四章 鴻雁五章 靜夜 夜坐 復晴 出
章 融風四章 雜興 河西種花人家

郭尋花 橋西 怪風 覽物 被枉濟寧
挑河溪 牽夫 怪風 覽物 被枉濟寧

會 朝廷以星變地震肆赦中外喜賦 濟
寧將 歸感劉五與過贈芍藥 將歸詣曲阜

恭謁 聖林 聖廟 經兗州府北 剛成
屯 登泰嶽 岱嶽 秦時石表 日觀

平原道中 歸至河間寓居 別沈慵菴將
軍 懷終南山

卷之十一

過嶺集 奉贈栢鄉魏相公 送姜鐵夫同姚六
康明府之石埭 送梅清老遊北海

歸宣城 長安九日雨霽梁仲林太僕邀同
諸子登高時坐有弄笛者和太僕韻 過平

陽綏兒殤處 涸河阻風待渡 贈何雲子
參政八韻 張子美參政乞歸得許來自惶

中 襄陽登舟 江陵 阻兵漢江登黃鶴
樓 武昌縣進謁侍讀王夫子即蒙邀登西

山訪僧樂叢 九曲亭 雨過潯陽 過彭
蠡 泊南昌弔徐巨源陳士業二君 雨發

南浦懷崇仁明府駱叔夜先是擬往候未果
託宋其武少參致訊 臨江施愚山少參署

中就亭 峽江風逆 萬安舟發 攸鎮夜
泊 灘行 灘泊 南康縣舟中趨大庾

大庾嶺 榕樹 曲江道上看山 滇江雨
霽 雨泊廣州城下 廣州奉裁後作 廣

胡郎婦吟四首 奉贈董天因副憲奉 命
祭告南海禮成 寓中小亭 中宵 飲酒

廣州奉懷施愚山少參同時奉裁應已去
臨江 殊俗 廣州改官後送郭介藩內擢

民部 改官後別吳錦雯端州司理 廣州
送江九通遷姑蘇郡丞 送張雛隱之景陵
幕兼託訊施愚山副使 丁未廣州除夜呈
楊蓮峰司理汪漢冲彭退菴兩部曹 廣州
廣州雜咏 雷雨 盜賊 將之任新城
縣別沈石友提舉十韻

卷之十二

桓臺集 新城署中病劇榻上自慰 歷下送方
田伯南歸 歲杪出桓臺舊治漫興

出新城作 出新城遇雪馬上作 春晴
歷下雜詩 夜坐李佳木遣童子送絳碧桃
花各一枝 憶窗前海棠 北渚亭和曾南

豐原韻呈主人葉世光太學 題金式菴郡
伯古畱堂 登萊州望海樓 望海歸答陳

立齋 夏日次青楊店 北渚亭看秋海棠
觀察西蜀和韻 十彰和尚新移方丈

書至聞杜蒼舒別駕訃音 冬日濟南送李
佳木返任城觴罷出門佳木指寺寓池柳謂

老僧曰恨不見白綿金縷當有畱題余曰白
綿金縷具柳性中正可于冰雪中想見之若

待春來是見春乃見柳也因索筆戲題僧壁
佳木和已乃行 寺夜 舊同官諸子偶集

小寓畱飲卽事 將去濟南別同官畱滯諸
子 去濟南承同官諸子祖餞席上口占呈

嵇漪園 年丈

卷之十三

從侍集 涿州宏仁寺四松 漢州道中 棗疆
道中飲玉皇宮傍行館訪道者 邢州

使院中槐 幕中感懷 黃鸝 幕中聞蟬
旅夜聽歌 夢先 繼母 幕中作 蚤

涼晏起 初秋邢州送王子重歸省 邢州
過夏將之武安作 臨洛關驛舍 洛州道

中道中見打麥 雨夜開玉簪花 計南
草小童送玉簪花至詩以答之 七夕獨坐
洛州秋感 武安感懷 鳳仙花 夾竹
桃 砧 懸蓮房於壁就擘食之 秋夜
中秋病臥是夕微陰至夜分乃得見月 十
六夜新霽看月 十八夜看月 癸丑九日
天雄試院中作 仲冬日天雄送朱菊廬歸
省黃州 天雄冬夜聞大宗伯龔芝麓先生
凶問詩
以哭之

卷之十四

從軍集

徐州道中將訪孫大宗刺史不果有懷
令弟豹人卻下維揚 中秋夜次王家
營西村 夜泊揚州東門 廣陵贈鄧孝威
秋日梁溪贈吳伯成明府 吳門張詩宜
園亭呈主人 姑蘇九日示舍弟 贈吳醫
梅公燮 吳中滯雨 至日舟發吳門呈豹

人蘇生歌 陳生彈詞 京口 京口潮

音洞晤楊賓襄副戎留宿即別之楚中 甲

寅除夕江陵寺寓 風急泊黃石磯 阻風

道士泐登西塞山 風夜黃州舟中 苦雨

春夜風雨大至 雨雪寒劇 春晴戴維

烈招飲登大別山 異時 阻雨岳口邀談

鹿柴喬梓出晤即事賦贈 荆州 初夏荆

州客寓喜秦留仙太史初至見過留飲即事

燕 聞戶部尚書米斯翰死 登荆州城

懷王粲 樊韻和許竹隱再登王粲樓 荆

南軍中上靖寇將軍貝勒十六韻 江陵軍

中贈張遠公 荆州述懷 憂悶 荆州雜

興 端陽前四日許竹隱郡丞王德扶別駕

置酒寓閣邀同秦留仙太史話別 荆州軍

中送許竹隱同年入京 五日小集送竹隱
還京 無題 攬鏡 柑子 復雨 夜霽
看月 卻晴 月光 襄陽 軍書 吳式平
興 有感 聞警

自江陵歸京師

卷之十五

從軍集二

贈盧山斗制府
田翁宅蠟梅
追哭郭肯獲茂才
乙卯除夕荆州

荆州元日五十初度
元日又作
人日
初春懷秦雷仙太史
初春荆州奉邀王在

茲方伯看梅小酌是日小雨
和風
初春
荆南軍中送林宣聲歸揚州
代內
對酒

憶謙兒
春陰
出郭見花柳
馬上見
桃花
憶家中海棠
客寓燕子至
春日

述懷
紀事口號
潛江移舟就劉東臯齋
居同劉餘清朱悔人飲集
過譚鹿柴村居

趨省江右兼呈令尊翁豹人
客維揚暫之
儀真風逆
從紀伯紫聞計甫草歿哭以四

首寓中小臺
何雲崕招同方邵村鄧孝

威程穆倩宗鶴問惲正叔及令姪仲叟夜集
出家樂侑酒
盧垣先招自東門登舟訪戴

務旃方田伯郭外即邀同汎至紅橋快集觀
漲即事
自荆州軍中暫下揚州次韻答鄧

孝威
重修平山堂落成詩和諸公韻
樊

仲父
邴原
嚴子陵
題鹽城宋射陵蔬

枰圖
楊翁小像
贈鄧生若雍
端午日

揚州贈張受菴運使
題汪蛟門舍人少壯

三好小像
盧坦先小像
東程穆倩
屠

兵備廬墓詩
送史赤豹先生歸陽羨
康

山晴望
贈李艾山
贈江都駱明府
秦

敷五招飲尊經閣下
王築夫移家海陵
讀紀肫菴菊葵秋海棠諸賦
贈查二瞻處

卷之十六

從軍集三

贈吳生涵公
施愚山先生以古樂苑一部緘寄書詞懇切感記
聞平

涼叛帥王輔臣成撫
 再娶程穆倩七十壽
 定小像將返荆州軍中別汪舟次文學
 京口夜泊中秋夜虎丘遇方長斯拉同諸
 客懽飲奏技越三日復邀汎舟石湖携伎看
 月王勤中招飲芳草堂並遺畫幅贈宋
 既庭王勤中吳門還荆南軍中余澹心吳
 六益韓子振闕若韓錢樸菴公升楊吉公舟
 中飲餞和吉公原韻霜泊姜如農先生
 輓詩萊陽給諫行雜興榮園汪汝為
 尊公所營別業也自歸閔氏改易非舊近益
 荒廢秋過儀真汝為邀往遊覽還就江溪閣
 沽酒為別感賦真州新河口守風作秋
 杪阻風儀真江口值熊青嶽相公繼至同泊
 揚州郡丞李廣菴治具茅肆招同夜飲舟
 過蘄州哭周伯衡先生漢口送王在茲方
 伯歸荆州漢陽飲送友人暫之荆州樓夏
 漢陽月湖連飲送友人暫之荆州樓夏

郡丞見招會大風雨渡江赴飲夜歸即事
 自仲夏借寓王松麓司馬園亭踰兩月餘卻
 移寓武昌作武昌洪山寺千江一月圖為
 張司馬中丞公題踏車謠荆南七夕同
 李鏡月若金兄弟集秦留仙寺寓即送若金
 東歸託寄書豹人張大將軍新納吳姬口
 占八絕隴西行龍山行雨中臥病自
 遣贈遲順子參政又贈遲公醉歌行
 荆南喜劉推菴太守來晤留飲即事徐
 繩庸招飲郊居吳既閒孝廉招飲留別
 安陸郡城寓中喜金會公廣文見過貽新詩
 兼贈近體一首有能分司業酒錢無之句時
 子將赴京師

卷之十七

金門集 贈家容齋學士兼述所懷張晴峰水
 部得雷琴詩奉和益都相公九日携

客慈仁寺毘盧閣登高次韻
長安雜興
宋牧仲比部權關贛州
詔賜薦舉諸人月

廩詰 闕恭謝紀事
長安送黃俞邵奔喪
江南 長安冬夜喬石林舍人招集高齋出

其先柱史公柘溪草堂圖索題漫成
戊午
長安除夕 已未元日 長安贈汪苕文

長安蚤春遊馮相公亦園登萬柳堂五首
贈姚濮陽給諫 仲春長安雪霽贈房慎菴

樞部 曹正子部曹招同諸子盛集高齋
趙元升登第 寄秦補念運使天津 題畫

毛會侯戴笠垂竿小照 贈沈佩周茂才
都下寄懷田雪崖司李 題任梁河畫

苔高澹人中翰以藏楮索書 家欲山兄
之任蘄水贈行作 天門開 應 詔後述

懷二十韻 墨無正 時命篇 初夏將出
都門諸子旗亭話別 答客見慰 孫豹人

進銜中書值六十初度即送還山 送孫豹
人徵君南歸 久旱 上步禱南郊甘雨隨

應恭紀 卽事 沈繹堂宮詹宅敬觀 御
書恭紀 沈宮詹招同諸子讌集卽用賦別

姜西溟乞嚴蓀友寫松樹萱草圖為其大
夫人壽索予題詩 客有勸我還赴楚任者

走筆苔之 為尤展成司理悼亾 長安送
鄧孝威還山 述姻詩柬霍邵室 獨居

出自西門行 江青園七十廬墓圖 長安
蚤秋施愚山侍講話別 張節婦謠 長安

驅車行 紀異 偷兒 蔣翁 出門行
山秋出長安與葉井叔部曹話別 出都之

楚畱別長 謝西華 謝公 謝公 謝公 謝公

安相知 謝西華 謝公 謝公 謝公 謝公

卷之十八

放還集

秋晚辭官後出京次良鄉縣作詩樂城

楚

渡黃河 許州 渡河望秦關作 大梁詠古

卷之十九

雷滯集

漂寓漢口景陵舊役來迎得張夏鍾
別駕譚灌村太史吳晞齋存廉諸公手

書 思婦吟 長年歎 竟陵西塔寺 陸

公祠 陸公井 葉僉事涵公自江陵來過

同遊竟陵西塔寺見贈長歌賦荅 戴小宋

折贈蠟梅 贈吳晞齋 歲杪自景陵之京

山作 京山道中呈家蠖菴兄明府 巳未

除夕京山蠖菴兄明府署中 庚申元月初

度贈 別上人

卷之二十

行間集

應辟去竟陵作 荆州渡江入虎渡口
輕裝舟中見花柳 馬涇湖 軍

中紀事 過壺頭 行營夕望 茅屋 軍

中口號 丹砂井 龍標城 庚申三月一

日軍中有感 沅州懷王松麓司馬漢口
不得家書 沅州軍中臥病 軍中蚤秋

沅州軍中懷秦雷仙檢討長安 夢先繼母
懷嚴蓀友檢討長安 懷家容齋學士

七月十六夜病中看月 秋風 秋夜 喜
談君常遷施州 病中得嵇漪園書言冬杪

當至 蟋蟀 病劇自沅州幕府 辭歸景陵
舟中聞蟬 黔陽夜泊述懷 黔陽蚤發

華髮 懷家兄以温不得一見 辰溪縣
浦市 舟中辰溪觀兩岬嵌竇人家

卷之二十一

行間集二

瀘溪縣 漁舟 瀘溪舟中喜晴 辰
辰州府 白溶 清浪伏波廟 辰

江放舟下諸灘感述 桃源縣 糧船 桃
源縣下水至常德江望 歸次常德晚泊病

中自遣 霧舟中看新月 武陵城北夜
泊 崇河夜泊值雷雨盛怒紀憂

過羶帽馬陸二湖
風逆泊會口戌夜熱
帳中江月倒影
不及乾口渡十五里野泊
韻舟夜有感
江至荊州鎮國菴八月十二夜寺寓苦
熱十四夜荊州寺寓看月
晚晴寺寓待月
不寐三雁
作及其季郎公晉咏菊百絕
句四首荊州蚤發呈竟陵諸君子
草市曉發過長湖

卷之二十二

畱滯續集

曾口夜泊訪譚鹿柴不值
景陵喜王爾昌來晤
竟陵寓中病
瘥自嘲
秋日寓中海棠重放
吳延臯齋
觀分蘭
荒菊歎
秋過故祭酒魯公已有

園登夢野臺
閏八月初九夜獨坐看月
十二夜陰坐待雲開望月
庚申閏八月十
五夜獨坐達曙看月有感
閏中秋次夜譚
灌村侍講招同程培風江玉林戴小宋胡西
表西枝館看月時庭前桂花重開
雞冠花
得家書
徐繩庸招集郊居看臨水芙蓉
芙蓉
喜雨
兩後胡西表招集齋中
吳
晞齋招泛舟東湖即到浮園新構亭子看玉
筍石題
過曾口耆民王移孝進村酒見其
鬚眉皓然步履頗健問年已七十八歲感其
生初猶當平世今王師肆伐太平可期此
老未應即衰當及再見因口占索筆書給之
重陽前二日江巖菴招集看菊
庚申九
日出寓數武登城野望獨酌有感
胡石庄
招集高齋
重陽後二日徐繩庸招同錢子
膺明府吳晞齋戴小宋胡西表三君子泛舟
東湖暢飲即事
即事再成絕句四首
懷
召林弟漢陽
客有自京師來者言今歲七

月地震猶未全止悄然憂之 風夜 鄉人
 歸封寄家書 謙兒 淵明菊 錢子膺明
 府署中東軒落成招同吳晞齋戴小宋徐繩
 庸讌集即事 竟陵送方與三歸桐城 歲
 暮送潘燕丘歸武昌 金橘 戴小宋携贈
 蠟梅 聞譚鹿柴自黃州歸至家已過旬餘
 以連日風寒未入城相看走筆嘲之 庚申
 除夕與舍弟守歲京山家蠖菴兄明府署中
 庚申除夕京山偶同舍弟守歲作四絕句
 示之 京山家蠖菴兄明府署中與舍弟聯
 榻 辛酉人日 蚤春竟陵出郭望東湖
 寓居 胡石庄折送朱梅 正月十二日蚤
 雨志喜 上元前一夕別雲上人禪房 蚤
 春雨歇同竟陵前明府項媚雪暨譚鹿柴過
 訪戴小宋淘溪畱宿高齋讌集 步出小宋
 宅前野望 小宋邀同前客步至澹圃茅庵
 小飲向暮仍返高齋即事 餅中玉蘭 水
 仙 仲春二日譚灌村太史壽 寓中梅花

卷之二十三

畱滯續集二

春日竟陵奉邀項嶠雪錢子膺兩
 明府吳稀齋牟廉譚灌村太史戴

為風雨所殘 寓中桃花 訊小宋窗下山
 茶 雨中聞雁 傷春 懊惱歌 餅中鐵
 梗海棠紅杏呈譚灌村太史 項嶠雪携具
 招同小宋見龍山看桃花

小宋高士徐繩庸明經看寓中海棠 雨集
 河上桃林看獨樹梨花 二月十六日寄贈
 前侍御家星巖弟漢陽 譚灌村太史招飲
 喜雨 清明日喜雨 清明感懷八首 寒
 食日雨感 清明 郁李花 漫成 邀吳
 光其御我劉建水三茂才過飲次建水韻

重集胡西表齋中賞牡丹作 春蘭 蘭花
 看牡丹醉歸口占 遊迴嚮庵值雨 古
 梅行 梵放庵梅竹 孟夏譚灌村侍講邀
 同僧拙文權舟義河至白竹寺信宿即事

辛酉五日竟陵書懷六首 端陽後一日吳
 晞齋譚灌村胡西表徐繩庸四君招同錢子
 膺戴小宋泛舟東湖觀競渡即事五首 述
 愁 夜坐 梔子花 夏至夜月下獨坐
 贈僧拙公 庭中鳳仙花 灌村太史齋中
 蘭花盛開連日過飲值鹿柴自青山至同賞
 八韻 夏夜獨坐 夜雨 餅罄 述懷 夏
 夜聞子規 感述 聞蟬 伏日雨寒 夏
 夕訪徐繩庸郊居舟回遇風 哭老友韓燦
 之 辛酉中元前日竟陵錢子膺明府重葺
 西湖橋閣落成招同邑中諸君讌集賦詩時
 秋早新雨晚晴 暑夜譚灌村侍講送酒漫
 成 宿郢東驛 山行感物作 宋玉墓
 宜城 自郢西之襄陽作呈楊少叅公筠湄
 墮淚碑 漢水 峴石寺 峴石 中秋
 夜襄陽諸公招集昭明臺翫月值南風大起
 即事賦呈諸公 中秋夜集昭明臺大風漫
 作 大隄 孟亭 習家池 仲宣樓 龐

德公 山簡公
 劉永

卷之二十四

留滯續集三

荆門州蒙泉 孟冬自竟陵之郢
 中道中作呈太守刁公 郢東道

中日暮譚鹿柴招宿經館即事 顯陵 冬
 日郢中同錢子膺明府過訪毛子霞聽雪樓
 即留小飲 陽春臺 望白雪亭 五客亭

望蘭臺 贈郢州詩僧牧顛 石城 莫

愁村 郢僧牧顛邀同錢子膺明府攜客遊

石城西北潮音閣巢雲亭即事 楊客仙招

飲高齋同錢子膺明府毛子霞隱君對蚤梅

盡醉即事 冬日客郢中過錢子膺明府寓

樓醉吟 聞滇城克捷志喜 謝贊皇荆覺

菴招飲郢城元祐宮大雪 郢中對雪 吳

客王子晉畫蘭行 元日試筆 譚灌村侍

講五十 荆南送蔡卓菴侍衛還 朝 春

夜樂鄉關旅次雨雪春日宜城道中在

襄陽憶竟陵寓中海棠清明後一日俞崖菴副

戎招同周竹書趙秋水飲集時各將別去

襄陽送趙秋水從楊筠涓副使之晉表城

登襄陽西山至檀溪寺覽眺憶胡西表城

偶新亭飲集二十二韻任副戎招同諸公

看牡丹隆中襄陽與王耕書話別

門灘孤泊漢江風泊舟夜雷雨陪錢

山道上將之武昌吳晞齋招過覓園陪

樓作漫興徐繩庸司鐸永明奉送之任

秋夜赴招回作秋晴秋日同客訪僧

文車水西禪院即過浮香閣值雨觀龍挂

晴即事復雨寄答緩山兄見慰村船

署重九後一日荆南風雨鄧偶樵觀察招飲

署齋奉訪嚴偉齋元戎園舫步韻鄧觀

察署中疊置菊山招集既賞奉訪嚴偉齋

元戎座舫留宿十六韻夢龔芝麓宗伯痛

哭而覺率筆紀之天答詩荆南客寓歌

怪石歌贈田生

卷之二十五

湘中集 荆州渡江行 滄港雨泊遲客不至

喜晴見新月舟中聞雨雪洞庭哀傷港行

書所見洞庭南嘴夜泊洞庭離長沙百

望湖鄉沅江蚤行自感竹房夢覺

里風逆野泊江行晴江竹房夢覺

迎催滇來長至日長沙院中聞特遣中使

十二月十六日長沙聞雷雪病夜苦雨

元日雨雪長沙院中癸亥元日長沙院中

行李盡溼維纜湘潭相待夜垂分奴子乃移

裝篋來至 衡山舟中望嶽 人物 十三
 夜衡陽夜泊 迴雁峰 先慈忌日 湘江
 正月十四夜見月聽鄰舟歡飲感懷 元夕
 蚤泊何洲晚泊舟夜急雨卻晴 春晴
 瀟湘舟中 曉發歸陽市 江雨 望浯溪
 舟中雷雨 蚤發冷水灘 八韻 登浯溪
 亭子 衡山雨泊中丞韓公往謁嶽廟慈輩
 獨畱不去移時已見旌節來歸登舟卻發
 湘江舟中望嶽 暮春長沙苦雨 清明日
 長沙臥病 紀夢 風雨懷彭子載吉安道
 中 病中苦雨 病中聞鶴 長沙喜吳天
 章至即贈 春暮病感 病中計彭子載合
 當卻返 長沙喜遇羅弘載同客韓司馬中
 丞幕中暮春卻別畱贈 答吳介石明府見
 寄四
 詩

卷之二十六

西悲集

長沙郭外夜泊懷幕中諸子 舟發
 舟中 洞庭舟中 洞庭 喬口阻小

河逆淺不得過訪江辰六明府悵然有懷
 金沙港夜泊 岳陽樓 岳州 武昌奉送
 周澹園儀部出使安南諭祭故王 夏日孫
 予立太史奉使安南過武昌招同周澹園儀
 部暨一時在鄂諸子讌集即事 送孫子立
 太史奉使册封安南國王 武昌送毛子震
 歸郢中 武昌奉贈陸鶴田使君 夏夜急
 雨武昌 武昌奉邀陸鶴田使君胥怡菴郡
 伯楊恂菴刺史小集譙樓看雨 武昌遇日
 者白子許以神仙可學口占贈之 武昌臨
 發諸公祖道口占志別 郭海營風雨阻行
 觀漢漲 河薪歎 觀音閣夜泊 臥輿
 途中得施愚山侍講凶問
 蚤發 渡河 柿林 蒲萄

卷之二十七

留滯三集

荆郡 詠畫上方黑犬 荆南值陶
季淡言懷 題扇上畫石 題畫閒

看兒童捉柳花 荆南借寓唐伯顧明府書
舍值主人他出留贈 胡西表招飲西園閣

上題王咸中石鳴山房 乙丑七夕同彭
飛雲顧黃公蔣玉淵游雲子小集武昌滋陽

橋納涼 武昌贈楊退菴遺老 中秋夜胥
怡菴王咸中各攜少具過譙樓翫月卽事

十六夜同彭飛雲顧黃公蔣馭鹿顧幼鐵黃
小重王咸中各攜少具雅集黃鶴樓待月卽

事 十七夜王咸中邀過潭上行館同諸子
偶集看月 嵇漪園自梁溪赴滇幕過鄂相

訪 九月四日武昌譙樓見月 乙丑九日
諸君約集黃鶴樓以病後怯步不得與譙獨

上譙樓眺望卽事還呈諸君 題畫爲潘介
丘 期到仁熟弟山居病病不果仁熟屢來

相視感贈卽別之江南 碩年兄小像 游
雲子爲寫倚松面瀑小像成自題卽呈雲子

題四照
和尚畫冊

卷之二十八

蜀道集

出門 寶雞縣遇雪 雪行八山 蚤
發黃牛舖 雞頭關 褒城 黃沙鎮

訪馬幼于不值 七盤關 飛仙嶺 盡日
廣元 二郎山 垂老 成都院中夜坐

納涼 成都送趙毓蜚進士由重夔下湖南
轉浙赴京謁選 再送毓蜚 錦城蚤秋

芭蕉 成都哭高陽相公李夫子二首 成
都懷劉推菴太守里中 芭蕉 雷雨 新

月 移菊歎 望眼 八月九夜成都院中
同沈漢儀對酌看月有感 詠蕉心 成都

中秋夜與沈漢儀對飲 成都看月三首
秋日雜感 秋日成都送潘升也歸維揚

客病 原病 芭蕉 九月十一夜病中彊
起看月 贈醫者 答羅弘載自河東寄懷

之作 十月五日錦城聞雁 甲子長至日
 成都院中 逮兒生家書到蜀 病劇
 暄 成都冬日雜興四首 晴二首 臘月五日
 見蠅漫成 瓶中蠟梅 蜀道 臘月五日
 蜀州竹枝詞 友人書至自景陵聞吳晞
 齋 孝廉譚灌村侍講先後俱公志傷因念邑
 中 諸老友遂連及之不復忌存歿相蒙也
 聞 孫豹人近為湖廣制府延入幕中 冬陰
 童子自院後內室折得梅花一枝 注瓶漫
 成 冬杪成都懷方田伯京師 夢張溫如
 蘇州 病感 鼓角 病夜 粟米飲
 菘菹 不眠 故國

卷之二十九

蜀道集二

曉晴 苦役行 冬蕉 冬日病臥
 榻上作 帳中梅花 冬杪成都喜
 潘仲錫遂至 病中 家信 課童子補籬
 門 韓公堂側增置漏鼓 追哭內弟常靜

伯四首

盛筵

後雜興三首

成都懷吳

野人吳天章兩詩人

得秦雷仙蒙

恩免

推罷歸消息

成都院中祀竈作

臘二十

七夜雪

冬雪

甲子除夕成都作

乙丑

元日昧爽作

元日立春

元日初度

正

月二日中丞韓公家宴院中東偏草閣觀藝

乙丑人

僧奏技因並過射圃紀盛

鞦韆 乙丑人

日喜晴

蜀州人日見庭下芭蕉

初春出

成都北郊昭覺寺與丈雪和尚少話

謁漢

昭烈皇帝陵 謁諸葛武侯祠即過草堂寺

春陰

杜工部浣花別墅

萬里橋

春陰

短髮

圍碁

有感

枕上

睡醒

沈宮詹繹堂卒於京師感傷而作

暫寓

嫁妾篇為程翁作

出成都過萬里橋

暫寓

舟 新津蚤發

嘉定舟發

江宿望犍為

縣 嘉州雨泊望峩眉不得

過嘉州大佛

舟

閣 覆舟

雨泊叙州城下

納谿縣

中吟望

江津縣舟中感興

江曉 渝州

春泊涪州江晴放舟南陀夜泊
舟茅屋過鄧都縣懷張九苞明府并及
令弟六翻忠州萬縣雷雨蚤發夔州
府八陳圖灑頽堆瞿唐峽白帝城
巫峽巫山巴東舟中山半杜鵑花
長江彝陵峽山出峽江雨

卷之三十一

涪游集

蚤寒時擬訪友江南乙丑冬杪皖城
別居停主人卻下秋浦乙丑除夕池
州丙寅元日池州作宗廣文鶴問邀飲
新移寓舍杏花村詩縱陽寓樓春晴二
首過訪陳官儀遂阿山亭畱飲不到縱
陽三十年矣春過停寓承遠近諸友次第來
晤置酒話舊雪晴錢西頑自青山來晤即
事賦贈蚤春停寓縱陽邀桐城友人出晤
承羣公枉駕謙集即話別之楚即事縱陽
承方有懷遺詩賦答皖城訪佟儼若得晤

卽畱同皖士韓第七李文海張引大小酌越
日再集復雨舟中作田家鎮過黃州
贈王子允大行贈王子重吏部皖江夕
泊得同邑牛玄斐社丈手書并見懷近體依
韻奉答為徐電發太史題楓江漁父小照
和朱孟浦觀海作重過竟陵居停吳弭
中書館將去漫贈帥茂才尚子見過有餽
口占贈之樊茂才餉藏醞寓中小亭納
涼荆州寓中納涼題畫紫白二菊贈
戴凱友茂才贈徐天植茂才十月一日
武陵客寓感懷冬杪武陵得王琴伯書知
頃已辭撫軍幕暫畱鄂渚旋將下蘄州度歲
丁卯元日六十初度武陵城外何新菴
水樓何新菴湧月樓客寓燕子至客
病榻上作德山寺步碑上宋人原韻寄
譚鹿柴七十琵琶亭小孤山

卷之三十一

卷一 皖江集

皖江舟中下迎 楊退菴中丞 丁卯

楊中丞未到 皖城奉懷荆州司馬陳景白

舍 雪曉病起趙秋水見示夜酌呈楊中丞

起喜接晤陳滌岑先輩 皖城寒夜趙秋水

冬日晚幕陳滌岑攜致方田伯畱訊手書怪

其舟過江門不通晤 瓶中蠟梅纔含小

苞慮津液未克不能開坼 歎蚤被摧折虧物

本性有同人事愀然傷之 冬夜皖城院中

趙秋水招過同諸子小飲 曉寒枕上作

丁卯除夕前四日奉陪 中丞楊公退菴攜

同幕中諸姻友出郭遊覽酌讓泉漫興

城西郭謁余忠宣公祠墓 皖江歲杪從

中丞楊公登余公祠後大觀亭覽眺 登鎮

皖樓 自城西放舟下樅陽門聯轡卽事

謙兒至聞霍氏女歿詩以哭之 丁卯除夕

皖江院中宴罷 元日初度感述 立春日

觀劇 春夜皖江院中雨集送章仲韜及令

子閣修歸山陰各為一首贈之 正月十四

日皖城院中風雪屬 先慈忌辰感慟 輓

孫豹人中翰四首 代東索姚白菴畫花卉

壺盃短障歌 皖城春暮喜趙秋水長君函

子趨省至皖旋送歸廣平 采石磯 贈鄭

谷口 戊辰初夏金陵贈王安節 楊退菴

中丞過京口諸屬僚置酒邀登金山念慈病

不能從舟中遙望步中丞韻 奉陪 楊退

菴中丞夜集梁溪秦畱仙太史園林酣暢達

曉明日重過遍觀池澗亭榭諸勝卽事賦贈

惠泉 重登金山 舟泊燕子磯奉陪

楊退菴中丞遊弘濟寺夜看鐙船寺僧普公

貽詩有十五年來見太平之句和贈 隨楊

中丞至江寧制府署中寓西偏小院越日將

返皖城作
 皖城院中避暑射圃高廳漫興
 中聞黃鳥
 水自楊中丞幕府往叅京口水師陳元戎軍
 援勦楚北
 就我射廳
 集雲開見月
 秋水歸廣平
 湘潭九日楊中丞邀同眾客登高觀亭
 卻擢舟下鎮皖樓宴集有懷趙秋水
 送楊立三西歸
 月浴室
 院中臥病對菊
 廣平是月廿八卒於江寧計至皖城余適在
 病中枕上成詩二首以代痛哭
 推窗延望
 實菓餌諸物畱飲話舊
 病夜
 久旱夜雨

臥聞檐雷有聲枕上喜賦

卷之三十二

鄂州集
 從楊退菴中丞赴楚去皖城作
 中丞遊武昌縣西山靈泉寺
 中得寓西閣二首
 己巳元月初度武昌院中作
 昌院中西閣曉望
 故舊書札有感
 感二首
 及河南諸郡雨雪霑足喜賦
 嘆病起成絕句三首
 壁上見月色
 樂事詩不盡意率筆廣之又成七言一首
 夜熱不能就寢口占
 兒謙
 待之

西閣望北樓呈退菴中丞四首
 小妻為楊夫人邀往北樓納涼坐以
 西閣望北樓呈退菴中丞四首
 小妻為楊夫人邀往北樓納涼坐以
 西閣望北樓呈退菴中丞四首
 小妻為楊夫人邀往北樓納涼坐以

中秋不返代小妻望歸四首
氏湖亭

中秋武昌洪

已仲夏武昌喜楊立三明府來至即值明府
 華誕述懷兼贈四首 武昌久旱晨朝祈禱
 即日其雨大沛口占呈楊中丞六首 兩後
 夜涼燈下獨坐有感 武昌院中小寓捐置
 露臺自解 伏日 寓中露臺落成漫題
 露臺初成登坐延眺三首 露臺夕坐納涼
 雲 新月 蘭 高壁 茉莉 他日
 六月十二夜苦熱露坐忽得游雲子手札並
 為我繪成小像十二頁晨起展閱率筆賦謝
 同年莫大岸明府以古風一篇惠贈兒謙
 答謝 隣院楮樹結實垂當我牖紅鮮可愛
 偶題 己巳六月廿二日立秋酷暑 朱悔
 人詩律屢進漫寄四絕句即呈悔人 六月
 廿八侵曉帳中看月 頌扇 暑夜喜雨
 秋夜大暑帳中作 鄂州仲秋日送劉仲雅
 西歸即之河西補歲薦考試二首 老態自
 嘲二首 楊中丞避暑洪氏池亭泛舟荷蕩
 即事 從楊中丞避暑城東南隅洪氏湖亭

漢鼎厥始為韓謀當其借箸持志蚤經封侯

落月空懸慈幼卷甫者

之
 人
 不
 復
 在
 也
 親
 學
 四
 也

布衣願易足晚從赤松遊藏身良有素辟穀無所求
吁嗟蕭相國功成身不休櫻鱗下廷尉明斷蓋未優
誅戮雖倖免亦爲明主羞所以茹芝翁白首臥山丘

村居懷友

乘輿出深林流目矚修畛細草應時發朱實當風隕
歸雲天際飛去鳥空中盡長夏收佳禾屢雨出丘蚓
垣空長鶴鷗野曠盤鷹隼落日懷故人深愁發遠引

小園款仙臺廢基有感

款仙臺下月黃昏伐鼓吹簫促進尊當日風光如在

眼誰能彈鋏向朱門

五日村居蒲酒留村翁共飲

一雨連旬妨稼穡新晴相對有蒲觴行田漸見禾苗
綠登俎還看杏子黃野客到村寬禮數閒身逢節倍
清狂邊隅已喜休烽火續命何勞綵線忙

冬日喜蘇君解綬歸借居近舍

陶令歸來日寒雲釀雪初開尊傾白酒作鱸有冰魚
春暖應移竹身閒好著書爲鄰多樂事還往莫教疎

題畫

名曰山房詩集
細浦蒼厓遠近村孤烟挾雨鬪雲根米顛若在前溪
住應棹扁舟夜到門

其二

平沙蘆葉蒙茸出曲渚芙蓉爛熳開獨鳥迴風棲未
穩滿江秋色暮雲來

石長卿先生書屋

名士此攤書高秋白露初楮桃風盡落菊葉雨還舒
破壁封蛛網遺編飽蠹魚江南鴻雁絕吾道竟何如

爲圃

荒園瓦礫日教除溝壤編籬課種蔬已辦生成供遠
客更須采摘共鄰居荳棚筴綠驚秋蚤瓜架花繁映
月初近喜城中來往絕甕罌濁酒日蕭疎

瀑園醉歌

南家池館踞林麓青山一帶豁雙目橫嶺爲峰爽氣
浮飛樓複道凌空矗老竹撲牆十萬竿幽淡盡日無
剝啄主人邀我飲看松黛色叅天竿籟重松間窈窕
轉危石好月娟娟來照客醉後和月臥松根吐出玉
花潑琥珀可憐把筆空復豪眼中山水題不得峽口

懸濤噴雪來氣寒侵袂聲喧
冠此時酒醒念夙昔紛
然萬感心崩摧

渭雨吟八首

古殿松陰裏棲遲獨倚樓
身輕嗟似燕計拙任如鳩
俯仰隨人面行藏不自謀
河干徒極目濁酒未消愁

其二

渭濱霜氣重爲客賦無衣
懶性逢迎少貧居問訊稀
秋淡聲到枕夜暗雨交扉
咫尺吾廬在徘徊未得歸

其三

葉落庭柯寂橫斜對我門
撐天終有幹映月欲無痕
鷓鴣河中浦蒹葭檻外村
溼雲垂不斷何處望林園

其四

吾家謫仙子瀟灑惜芳辰
愛酒渾成醉耽詩豈計貧
平生真磊落出處有悲辛
萬事何須道凡庸愧此身

其五

青緗堂南司空舊宅也

層樓山子上道是青緗堂
細草高巖綠名花密室藏
雕欄俯流水綺閣出城牆
車馬今誰至空厓下夕陽

其六

尚書墳墓在亭榭向榛蕪落日歸青鳥秋風動碧梧
翩翩辭去燕縮縮悄眠狐爲問來遊客經過墮淚無
其七

放浪平生久顛行亂所爲愁添淋雨積客與醉眠宜
蛛網牽風斷蜂房飲露垂惡聲憎赤幘起舞欲何之
其八

旅舍經秋漏中宵徧我牀寒風偏有力急雨竟無行
漲闊看魚賤囊空奈酒香家園新有夢獨坐意徬徨
卽事

不寐高樓遊子情繩牀風雨聽蛩鳴誰家飲酒吹燈
罷夜半微聞嘆息聲

秋晴

連旬苦雨新晴後坐對南山倒接離卷幔晨光纔淡
淡開窓雲氣尙垂垂城邊禾稼經霖沒河上村垣入
夜危從此消愁非一事客中杯酒須教持

訪王猿客村居

渭北霜清塞雁飛城南步履訪王維堆牀書卷盈千
帙當戶松杉盡十圍避世風規甘落莫舊遊裘馬日

輕肥誰憐故友青門外九月天寒未授衣

東湖訪費子范出近詩

玄冥布寒冬欲老冰花一夜吹瓊島我出青門過素
澹見君手寫東湖草苦吟如聞鬼物泣織膚習氣一
時掃世上紛紛逐埃塵輕裘肥馬安足道東湖有廬
堪共臥東湖有樽堪共倒我欲東湖把一竿坐弄滄
波對晴昊生事驅人兵馬間躊躇何日開懷抱

短歌行

把酒悲歌我思如何少壯有幾憂愁苦多轅厄驥步

漫漫長路仰天哀鳴人莫能顧山高水深沮洳嶽峯
阮籍不達痛哭至今月明露下笙簫鳴啞客獨何爲
徘徊中夜

猛虎行

猛虎本藏山之幽白日何來城中遊居人相戒嚙指
縮頭磨牙厲爪撐腹未休朝吞人肉暮飲人血乳贖
相從羣行蹠躐我欲殺此虎手中無尺鐵吁嗟奈何
奈何仰天悲歌

烏生八九子

舍傍日高啞啞鳴老鳥樹頭養雛成跳枝啄屋尾畢
逋騰高及遠毛羽輕老鳥亦勞止幸且居巢裏雖有
八九雛一雛獨辛苦思哺老鳥雨潦載塗泥不可啄
日暮踟躕西飛江漢東海隅南山豆落北麥枯翅垂
力盡繞枝啼老鳥苦飢鳥子心悲

題畫

拂素寫青山茅屋疎林裏莫放西風吹恐有秋聲起

其二

幽人靜無事獨坐山亭下對面香爐峰飛流一道瀉

偶見

女兒十五妬花妍金絡驄驄寶飾鞍騎向酒壚鞭自
指此壺索取幾文錢

人日送杜二緣事入青門

亂世難爲士高名乃累身清貧天所忌抱德多艱辛
羈紲就遠道況乃簪勝晨君行我則住嘆息同逡巡
鬱抑結中腸相對不能陳

其二

達人貴適志遯跡依山林我生逢世亂反覆變陽陰

窮居拙逢迎還遭時網侵因之嘆所遇艱危迫寸心
豈惜變所守甘與波浮沈至性苟難易憂患自此深
其三
結髮覽圖籍是非常不共義利稍能識貧賤益自重
戎馬滿郊原文雅誰爲用埋首窮巷間慎茲靜與動
名德殊未立流光已如送

野菜

荒原細草綠盈陂白柄長鑿手自攜采憶佳人懷悄
悄淪憑童子送絲絲久知嘉蔬非吾分自愛藜羹賴

爾爲戰伐春來繁此物幾家曾得把鋤犁

雨後看溪畔桃花

晴後尋花出不遲天桃一樹未離披卽看倚石臨流
處忍見風吹雨打時鳴鳥漸教穿細葉遊人莫漫折
低枝憐余歸計倉皇甚爲汝還來倒接離

夢中絕句

城上春風城下水隴頭烟霧隴邊起平原極目望迢
遙一種春風烟霧裏

題畫

古木高低影山廬次第門杖藜看暮色觸破綠苔痕

其二

日氣烘山曉松林隱坐淡行來衣定溼嵐重自相侵

送僧

僧楞庵本余里人結庵京口今歲暫歸涇陽旋復南下

愛爾辭家久飄然得自如閒身無住著破衲送居諸
鐵甕江山合金山水月虛香臺狎鷗鷺跏坐長芙蕖
偶過鄉關道還歸淨域居袈裟隨往復天地任容與
城郭千年舊園林百戰餘為儒長寂寞作客屢欷歔
匣劍塵全積庭柯盼易疎何如攜一鉢到處即吾廬

張孝廉穉升挽歌

生別有逢時死別長已矣投分與君友同臭比蘭茝
君去應制科一別隔山水寧知不再見閉骨黃泉裏
讀書盈千卷名成身反毀消息來前夜痛哭誰能已
落月照空梁淒風吹涕泗悲極發高吟為君詠蒿里

王節婦詩

張孝廉妻也

女蘿附青松纏綿不可擷與君為夫婦恩愛牢如結
浮名促君去出門成遠別寧知永不反悲啼空盡血
仰看雙飛鴻徘徊暮景滅傷矣泉下人生死兩決絕

其二
悲風自南來颼颼吹白楊日暮吹未已哀聲摧我腸
痛哭終無益展轉祇自傷斷我頭上髮焚我嫁衣裳
鉛華不復施流涕霑空牀

其三

浮雲東北翔客路阻且修榮名何足貴魂迷恐不收
逝水復無情嗚咽暮東流願爲連理樹閉骨同一丘
不爲獨飛鴻哀鳴宿汀洲

其四

叔也日以長伯也身爲儒妯娌淑且謹皆能奉舅姑
晨昏既有託可以捐吾軀投彼百尺泉九原見容儀
恐貽父母傷宛轉還自吁豈戀衾裯盟大義不可逾

述懷

朱門多尚豪華真率反見嗤所懷多不達罄折空爾爲
世情良堪厭歸臥北山陲丘壑適我志詩書可忘飢
人生不富貴慎勿結交知

感憤

高門促晨歡華屋窮宵宴階墀張錦瑟中厨出豐膳

親戚障紫幃家人席綺薦傷哉客遊子飄零異鄉縣
少小愛文章頗爲鄉里羨足未越閭閻手豈釋書卷
二十謀生事艱難歷欲徧赭顏謁豪貴苦非平生面
悠悠百年身光景如飛電辛苦在行役歲時已屢變
離人多感激心緒無一善悲來獨浩歌清淚隕如綫

過村翁

小隱離喧河上居板橋村路入門紆到來雪氣清人
骨坐處梅香沁客裾鳩杖步拖紅樹遍霜髯吟動碧
雲虛便當真率成高會一酌陶然返太初

春日集楊氏園亭攜妓飲餞魯慎五副戎

執手野盤桓名園春未闌青尊入林好紅袂出郊寒
聚散情何易朋儕眼共看淡愁在行色且復解征鞍

贈祁開西宣慰

小院薰風入秦城蟻泛香不須愁貝錦只合近壺觴
簪紱家聲舊藩屏歲月長河湟天顧切雨露正無疆

其二

憶爾當西極年年指塞雲一從歎分袂十載悵離羣
濁酒畱良晤煩冤托 聖君蛛絲休浪織旭日在高

雲

春旱邑明府滕公梅羹步禱甘雨旋沛志喜

步禱纔終夕甘霖沛絳霄天心鑒庶吏民命繫春苗
鋪逕紅全溼垂窓綠已嬌咏歌歡父老處處把村醪

谷口山房詩集卷之二

出塞集

大叅北海馮公宗尼先是分巡邠乾時蒙
以詩酒下交恩禮甚篤比進秩備兵莊浪
時花門之亂河西甫定甘涼尙未收復時危官
貧幕中親友皆辭去公慨然感嘆念慈乃請與
同行自戊子冬越關山歷天本由皋蘭渡河抵
莊西相與晨夕者二年餘凡涉贈答酬酢之作
皆不錄僅存古近
體詩四十二首

涇陽李念慈劬菴甫著

適莊西馮公幕畱別諸子

河橋嗚咽亂流聲匹馬淡秋向此行短笛誰橫關月
皎長歌獨放塞雲平尊前酒盡情難別隴上霜飛客

易驚它日相思勞
悵望萬山深處是邊城

關山

亂峰層疊鬱盤旋
累日山行欲到天
阪道馬嘶千樹遠
飛樓客臥一牀懸
石橋高隱柵籬密
瀑雷寒凝冰雪堅
向晚不堪西望阻
邊城烽火正鳴弦

秦州

杜老羈棲處空山
但鳥音驛樓霜月
小客夢故鄉深
薄靄橫高樹蒼厓
俯密林到來尋舊
跡悵望一長吟

社樹坪

暮投社樹坪長路
旅魂驚歲盡頽逢
雪燧傳未解兵
谿流深澗白村火
半厓明野老驚過
馬還家盡掩荆

朱圉山

我過朱圉山山勢
連蒼昊丹厓橫百
里日夕行未了
風磴黃埃集冰谿
清渭遶陶穴見巖
顛人烟出樹杪
移神矚洩雲流日
送去烏海內多戰
鬪河西尙紛擾
每嗟行遲遲況是
憂悄悄征人苦飢
疲暝色在林表
遙瞻西傾青睎望
伏羗小緬古懷胼
胝尋幽阻蘿葛
悠悠行路閒何由
窮要眇

鳥鼠山

漸近羌戎道來經鳥鼠山禹功何寂寞清渭日潺湲
玉塞人難入金城戍未還轉輸民力盡愁絕見蒼顏
蘭州由冰橋上渡黃河行

君不見黃河之水流浩浩勢挾崑崙掖左抱發源疑
從天上來漢使空傳行已到我從長安適允吾來觀
蘭州城外之匹緡驚濤怒瀉千里碧世間河水皆行
潦況傳冬至凍輒合大冰峙結成堅晶行人履冰如
履地輿徒絡繹無鉅小蛟龍亦復爲民用聖人望秩

豈草草我聞至德懷百神山川效靈獻其寶大哉四
瀆古所欽此理昭然詎難曉

莊浪城西水聲

塞水流兼石灘聲日到軒夜淡聞更切月下聽空煩
拂劍青萍吼橫琴白雪翻西園閒獨立却喜隔城喧

雜詩五首

客愁無漸次沉痛結中腸去去二千里悠悠天一
方歲月忽已易道路阻且長不殊舊風景忍見新戰場
村落半丘墟野日寒無光荆榛塞當路豺虎啼我傍

無膺再三嘆涕下沾衣裳

其二

南國有佳人獨立青雲端容華豔桃李左右佩芳蘭
我欲往就之路遠阻狂瀾誓言凌江渚浮空乏羽翰
歲暮獨辛苦凝望淚闌干

其三

采采蘭蕙花日暮歸山陂美人阻遠道采之欲遺誰
馨香滿衣袂攜持心獨悲何以雜佩之蘅杜與紫芝
常恐秋霜零芳華中道萎

其四

朝出城東門送客還鄉里附書問故人長情柰短紙
叮嚀再三語咽心未已歡樂當及時何爲隔山水
歲月不我淹少壯安足恃浮雲東南翔淒風道中起
掩袂涕縱橫悲哉遠行子

其五

客從遠方來遺我雙鸞結綵絲綰同心感傷久離別
上有滄泗痕路遠化爲血撰成相思曲當戶理白雪
一彈再三嘆曲終絃亦絕

莊西立春夜感懷

皎皎關山月淒涼亂後看誰憐投遠客獨酌憶辛盤
畫角催年盡鏡歌起夜寒但令烽火息離別未爲難

其二

日有西來信甘州未解圍城分猶轉戰兵久幾時歸
刁斗連邊動軍書入塞飛客懷無一可愁絕盼春暉

除夜

歲盡青鐙夜天寒獨客情劇愁家萬里無賴月三更
椒酒愁休酌山泉冽可烹故園應悵望飛夢向邊城

己丑元日

今年塞上逢新歲哀亂情兼悵遠遊畏聽鉦鏡喧部
曲惟拚風雪臥糟丘風塵久厭劉琨舞生事真同杜
甫愁桑野全空征調急將軍何日取甘州

正月五日見月

新歲看新月淒清只自憐一尊關塞外半榻客窓邊
山迥銜光細溪清落影纖故園今夜裏還向碧窓懸

憶昔

杜子謂蒼舒齋中有高樓憶昔共飲樓上頭瓶中有花

尊有酒日射臘梅香浮甌君家諸弟皆琳瑯爲我行
酒坐我傍雙眸炯炯向人語左顧右盼不尋常池陽
正月柳欲青家家置酒集門庭清歌竦舞拚沉醉十
五十六誰忍醒西市街南遊女坐綺羅衣裳照燈火
吹簫伐鼓夜未闌一丸素月當空墮莊西地寒春較
遲黃沙漠漠邊風吹更聞悲笳起清夜對酒不飲杯
空持卻憶池陽遊悄悄使人悲今冬思君意何已青
天渺渺各千里何日高歌對吾子

病中喜里人來得家書十二韻

抱病他鄉久思家別夢淡苦因魂黯黯況是首涔涔
欹枕開虛牖當軒望遠岑那堪春尚冷愁說曉仍陰
故友來吾里羈人望好音含情開短札彊坐擁寒衾
翻閱收雙淚平安慰寸心羸軀如陡健喜氣發微吟
畱客還相問烹茶且對斟別來剩耆舊亂後各消沉
會面頻年少窮途二豎侵因君成慰藉忽欲攬衣巾
古意

前日送君時折柳河中渚柳折還更生君行無覓處

春日莊西送客

邊雲塞樹遠微微一曲驪歌淚暗揮最是傷心難遣
處方春客裏送人歸

春日莊西看雪

蕭蕭風雪下千巒客裏相看淚不乾欲典羊裘沾好
酒却愁明日更春寒

喜雪呈馮公

一冬未雨雪寒日徒杲杲嚴霜凍四野黃塵迷行道
顧視隴畝中草苗并枯槁兵後歲更饑民命那可保
昨夜忽同雲六花被霜草登樓望城外連山白如縞

野田速朝耜荒逕勞晨掃春筵喜官僚蘆酒歡父老

邊隅得飽食羈客開懷抱道路庶清平言歸及春蚤

夢馬來西

時大同兵亂來西正
在少參楊公幕中

昔別何匆匆送汝攬征轡今我亦羈棲孤踪兩如寄
昨夜夢見君執手道前意瘦骨如平生顏色尙顛顛
相見旣倉皇相別何造次路遠山川淡夢君亦不易
起對窓外雪拂拭眼中淚遊子依人難志業苦不遂
山水遠千重別後無一字聞道雲中亂憂君出涕泗
寄語問訊君書札久不至丈夫輕遠行半爲貧賤累

不得馬來西消息

三晉軍書急憂君思獨勞依人共漂泊作客且牢騷
叛帥資邊實微生陷賊壕寄書問消息何日返臨洮

懷朱元定茂才

元定爲楊少叅公妹
倩往每依楊公宦邸

郡國繁兵馬邊隅阻雁鴻清貧應共念生事與誰同
爲客如王粲依人得孔融東來消息急愁汝在雲中

西圃蔬畦初成課園丁疏渠引山泉入

塞水流沙近分來一勺清徐看穿圃入細作遶籬行
幾處花根溼滿園春草生畦蔬如不乏亦可抵蓴羹

得舍弟書

知我歸難料書來再四探腸從春日斷貧對夜燈慙
閱世汝兄拙讀書吾弟堪孤踪只漂泊遠愧鵲鴿函

其二

絮絮關心語搖搖善病身短絨空墮淚愁緒好禁春
客跡寧辭苦家書不厭真我歸寧有日問訊汝徒頽
孟夏二日馮公署中海棠始放小飲花下

海棠塞外亦非遲四月寒輕發滿枝睡足不教春鳥
喚開殘卻使夏蟲知風翻碧葉紛紛亂雨溼紅絲娘

孀垂此地見花真不易銜杯每盡夕陽時

莊西看月

塞月團團白山雲淦淦連到來顏照影已見五圓圓
離別得無淚淹留空自憐新知微款洽尊酒共嬋娟
聞北寇陷蒲城消息

聞說延安寇南來禍不輕烽烟連渭水屠殺盡蒲城
書信關山阻鄉心羽檄驚客貧歸不得拭淚看欃槍

其二

三月來牟熟關中羽檄馳兵屯鷄犬盡農廢室家飢

情舊空千里依人困一枝愁懷無可訴獨坐夕陽時

秋日莊西送客因寄家書

送客平明冷敝裘短絨遙寄淚長流親朋故國尋常
念戎馬他鄉日夜愁野戍烟清官舍曉浮橋水滿大
河秋叮嚀卮酒留斟酌莫似殷公過石頭

馮公署中望雲樓歌

天上孤雲如壁壘移時散亂似流水遠勢直同秦嶺
連奇峰疑自滄溟起北海馮公孝友人備兵分憲來
邊鄙政洽莊西十三城夢繞雲門千萬里層樓見野

雲霏微綺窓東啟含晴暉盡日凭欄望雲物朝見雲
來暮雲歸邊隅風緊鴻難度慈烏夜叫東城樹高堂
有母正倚閭登臨神與蒼茫去此時切切懷故鄉憂
思百結千迴腸乞歸翻愁大吏怒行吟聲苦心憂傷
官貧濁酒粗能具共倒青尊話情愫相看對酒當爲
歌況復登高能作賦我和公詩心如暝代北關西倘
酣戰家園親舍烽火邊落日看雲淚如霰

西涼雜詠

秦時紫土映山紅萬古誰憐築塞功城外烽墩明夜
火帳中絃管入秋風十年邊戍繁兵馬八月天山斷
雁鴻回首長安何處是白雲遙在隴關東

其一

萍踪已渡大河西又向西涼信馬蹄故國交遊渾在
夢他鄉風物總含悽黃沙古磧行人少白草新邊落
日低客況年來誰得似斷雲明月夜烏啼

阿壩東山晚眺

騎馬望東岑萬綠渺無數夜來一片月挂在長松樹
朝新陟峻坂荆榛雜雲霧及巔日始晴憑高散余步

黃河割天來陵谷錯迴互長林忽響籟落日邊風怒
極目望大荒風沙千里暮海內有戰伐邊功此馳騫
良馬千隊連猛士白金募列戍臥冰霜轉粟犯寒露
殺傷豈復論勛名競題柱我來經戰場鬼火照空素
黃羊奔沙磧亂鷹趨狡兔窮荒計已疎和親事亦誤
持觴弔往昔慷慨一回顧寄言守邊將莫漫矜都護

題畫

寒江蕩空壁日見帆來往看弄漁舟人悠然生遠想

臘月十五夜示友

莫訝身如寄須傾酒若泉君看今歲月更得幾回圓

閨情

粧成獨立轉生慚顧影看花懶上簪底事春來簾不
捲妬他雙燕語呢喃

醉歌行贈馮公

莊浪四月海棠開置酒花下坐青苔姑蘇歌兒好詞
曲一曲須傾三十杯馮公豪飲興不淺接離倒著還
崔嵬醉中自拂端州硯取酒和墨伸素練淋漓衣袖
飛作花落紙揮毫同掣電小或盤盃大如斗一行直

下龍蛇走。草書已足屏障資。楷字更須十九首。董米
既沒書無人。餘者腕弱安足珍。如公蒼勁故罕匹。肯
與羣賢作後塵。

谷口山房詩集卷之三

燕臺集

丁酉冬再上公車戊戌春忝側禮闈成二
甲進士會新例一切授外任又觀政非

滿三月不得出自五月到繕司晨入午出略無
事事日惟奔迥軟塵中營就屋賃僕之費而已
幸與同年汪茗文王阮亭輩倡子和汝差堪遣
發鬱悶及秋杪出都凡得古近體詩二十一首

涇陽李念慈劬菴甫著

路逢故鄉客

知是故鄉人都忘呼姓字相逢客路間彼此俱回顧

慈仁寺雙松歌

慈仁寺裏雙古松枝柯剝落如青銅蟠拏詰曲拔地

起體勢不與凡松同我來岸憤嘯其下白日颯然生
雷風咫尺卻愁光怪出歲久當有神靈通凌霜溜雨
幾百載支撐對立儼壁壘突兀偃仰意恣肆搏雲攫
地不相待君不見前朝宮闕半埃塵二松亭亭貌未
改疑是神龍厭溟渤化爲老樹至今在不然都市安
得有此物佇立蒼茫問真宰

觀政長安中述懷

清晨騎馬出不知竟何爲顧我同年友奔走交中達
舉手倏已別揚鞭各有之同曹八九人列坐共笑嘻

相顧無一事且復尋酒卮幸免縻廩祿足以解嘲譏

其二

旅食白日長家書久不至獨坐一室中沈吟煎百慮
昔我別庭闈冰霜嚴在地春夏奄若馳秋螢已照砌
俯仰鮮常策所愁非一事思深多紆折顛倒在夢寐
仰視浮雲飛顧我乏雙翅一官未有守胡乃如匏繫

其三

秋陰鬱不開入夜雨轉急羈棲憂思繁欹枕聽淅瀝
檐溜無停響鈴柝聲俱寂苦蟲亦何訴啾啾在空壁

吟詩不終篇憂來無窮極

羣鶴篇

羣鶴海上來聯翩翔高風延頸發清唳逸響落碧空
皇天假軒翼居人望騫翊朝飛芙蓉殿暮繞蓬萊宮
和鳴不暫離徘徊心和冲豈意驚飈吹塵沙起濛濛
天路一相失分散各西東回首念儔侶涕落枳橘中
故巢不可識卑棲憂忡忡忡忡亦何爲更須慎爾躬
共受乾元覆東西理亦通前有飢啄鴟後有泥棲鴻
所當寶孤特食息毋苟蒙幽谷繁灌木高岡生梧桐

氣類難終乖神物會當同

汪茗文新授民部

詞人新判度支章入直清秋列宿光通籍久爲唐進
士分曹猶是漢仙郎中原輸納真煩促南海鯨鯢尚
陸梁民力軍儲勞 睿慮蚤攄籌畫答 君王

放鶴

人有繫鶴以市者友人韓燦之買歸養月
餘放去鶴戀戀不忍逝也蓋始困于宵小
而終得遭君子以全
其性因感作是詩

養翮懷君德凌雲戀所依暫畱三徑息終傍九霄飛
緱嶺他時見遼陽幾歲歸銜書應有報爲認舊柴扉

贈徐鳴玉先生

先生以前明明經應遷邑宰以詩酒自放其子之凱與余同年

士進

簡出非耽隱全身衆未知艱難南渡日慷慨北征詩
離亂存書卷乾坤付酒卮狎鷗滄海上蚤晚見安期

七夕

把酒問牛女秋期信有無曝衣還舊俗摘藻任吾徒
別恨淡河漢歡情想珮褕征夫與思婦感激盡踟蹰

其二

雨餘炎氣歇萬彙入秋光置酒臨芳節披襟愛小涼

蛩吟聞玉砌螢火度銀林何處彈箏婦調絲正未央

其二

尚阻尊鱸興誰堪此際愁火流七月夜星渡九霄秋
玉漏嚴頻下清砧搗未休閨中知有恨雙泪落鍼樓

其四

已被微名縛淹留柰若何露將愁裏白秋入故園多
弦月升高樹纖雲點絳河不須空悵望爛醉且長歌

秋砧

何處征人婦砧聲隔院過搗霜寒歇少度月夜聞多

別恨如憑訴鄉愁柰爾何裁縫應寄遠幾日到交河
寄上督師白公

秦晉天下樞所在屯甲兵縱橫一萬里刁斗與雲平
天子左右顧咨公在上卿賜以七萃士總以兩藩
屏往者西山寇禍亂楚甸生羣議轉軍儲騷動關中
氓公也抗疏出秦民得無恤山川阻且深轉運息何
日過澗不委身登棧亦碎膝直爲國本爭不使民命
失幸且罷遠輸萬戶始清謚國靜人好言言當築塞
垣靡費千百萬何益於五原川嶽盡懷柔表裏無一

藩邊釁不易開民生不易存再拜上書辭報罷如轉
環忠誠天可禱邠田猶虛報臨鞏練餉虧追呼極
暴兩事一乖張天地皆震悼公亦請于朝蠲免成慰
勞一夕陶穴安展轉歸耕鑿爛然德化新郡國再逢
春側身羲皇宇竊比擊壤人我文慚相如我私愧子
雲旁皇寄短頌慶幸難具陳

寄上尚書中丞賈公

尚書在中朝才名聞童稚建牙出中州美政多可記
先皇不盡用斟酌遺哲嗣維
帝念西陲疆大號

難治保釐須重臣謂曰維汝寄登車恤我民首先肅
羣吏正已倡屬僚大小各欽位賦歛惟正供豪猾知
憚忌維南則漢中楚蜀控所自萬山盤曲磴艱險鳥
難致厓斷撐危橋狹仄臨無地行旅艱自昔人馬多
失墜我公出緒策驅火燒林萃巉壁崩烈燄周行乃
平出來往載仁途逍遙少顛躓連雲八百里古難今
何易江山效異人神功媿首冀矧彼百度貞湛恩沃
庶類林林四關中萬口頌無二願公比山嶽吾民永
受賜

贈邑明府王公書年

公鎮江丹徒人

江山有勝概潤州氣開敞金焦砥中流海色騰秋朗
我侯鍾靈秀俊拔千人上才鋒韜衆鏑道氣淡夙養
策名蚤天府入宮見清讜守道或違時進止迂回枉
爲邑歷三筮初志堅無爽涇民重困後流離弃沃壤
奮然釐久弊澤鴻乃負襁大體一以正惠澤日滋廣
悠然民氣舒政平歲亦穰我歸快樂郊顧盼生慨慷
四海尚瘡痍徵求竭粟鎗安得盡若侯處處解羅網

前却少叅徐公符嶠進山東觀察寄贈

清時識大賢高風負軒翼明公當世傑丰神何孤特
秦蜀用兵日轉餉亦孔亟此時豪猾胥盤據方侵蝕
熒熒關輔民終年力稼穡歲荒穀麥減曾不給兵食
我公攬轡來辛勤布恩德軍儲漸以充閭閻少催逼
今春計典行海內大黜陟天子嘉懋勤擢公按
東國齊魯畿左掖振拔資風力其俗高彊勇暴客常
充億秋淡禾黍高道路恣鉤弋令長不敢詰左右多
叵測亦復健大訟無情肆支飾詎刑數百人顛倒相
羅織所貴聽讞明此風或可塞我公秉亮節素不尚

溪刻廉明威斷生操行為民極如彼衛嘉禾要先去
螟螣行見眾志畏不獨羣盜熄政成報當宁巖廊
借整飭當令四海清生民共休息

武蘭石大參之金陵賦贈

江左風流地金陵形勝區列侯邦錯繡啟監必鴻儒
我公晉陽秀志在清皇塗諫垣國樞機抗疏多嘉
謨天子念重地命公出此都中外皆王事公毋
厭馳驅鉅細咸總理身勞民乃蘇遠駕賴絕足利割
見湛盧行矣懋乃庸努力念丞徒

賦得愁多不可曙

愁多不可曙繁思從中來中來殊未已攬衣起徘徊
月光在屋角銀漢插城隈夜色凝窈窕星辰自昭回
昏曉遞代謝滴漏無停催人生百年間鬱曲胡爲哉
古來賢達人秉燭命尊罍縱適獲至性結束非良才
且復遣愁去放歌傾酒杯雞鳴肇羣動朝氣遍九垓

秋杪西歸留別王阮亭

君不見王十一詩家筆勢今莫匹秀骨逸情自天授
高音雅調如飈激少年才大意更深觀書真見古人

心禮闈第後不遽仕二年歸臥青丘林羨君學成謁
至尊慈也悠悠何足論射策共出青瑣闥召見同

趨金猊門

乾清門有金
鑄雙臥後貌

長安寺宇多瀟灑君住慈仁

松樹下每逢月夜過君談便坐松根弄柸竿九月秋
高天氣涼與君俱治歸里裝君家泰山麓我家涇水
旁相去四千里譬彼參與商况復作吏易分散相思
後晤愁茫茫

谷口山房詩集卷之四

南遊集

自甲午冬杪借計北上乙未春下第即自京南下淮揚歷秋及冬渡江至白下淹留

改歲丙申春溯江道九江入豫章秋却出彭蠡下桐城停寓稍久冬再遊金陵迨丁酉春始北歸至里門凡得古近體詩一百一十一首

涇陽李念慈劬菴甫著

晚度故關

孤障盤天險高樓隱夕雲
星臨井鬼盡路向晉燕分
隄火當山見城鐘入峽聞
及關重漏下寒月白紛紛

道逢酒車

何處風吹滿路香油車推逐送瓊漿問君肯否零星
賣石畔開封借一嘗

長安憶弟

汝去迎妻今隔歲計程應已到庭闈關山寒望雲同
遠塞路春看雁並歸射策已今成浪擲遠遊仍欲效
蓬飛紫荊花發偏相憶何日偕披戲彩衣

沙河縣

十里流沙白環城望若波雨收村舍見風急浪痕多
稼穡年年沒官徭日日過徵租猶計畝誰爲緩催科

乙未春自京師南下至汴渡河有感

束裝辭北闕驅馬入中州度遠燕山曲來經汴水頭
帆從天外落河向濟南流雨漲沙崩岸風輕鷺下洲
遠烟橫驛路落日照行舟歲月容疎放行藏任去留
出門且羈旅在世共沉浮驚浪開奇思長堤縱遠眸
南征依地主西望起鄉愁處處聞春鳥搖搖歎敝裘
山川還故國風物異前遊向晚多憂思風塵慎所投
飲淮上酒舍

扁舟向酒家綠花錯如繡他鄉遇里人相懽飲醇酎

高天敞素秋涼氣澄清晝迴風振葭影浴鳥凌波皺
佳人來何遲林間曳廣袖雅歌絕俗響短笛復迭奏
陶然坐及夕放談話故舊脫巾入歸艇湖光動列宿
淮上寄別族祖
吾祖遠服賈流寓淮市東晨起寄短札海日方矇矓
他鄉悅故舊情好日以崇况我共一本骨肉誼當隆
出門數十年故園夢亦空登高後二日眼見霜葉紅
客思正蕭條颯然生涼風今茲別淮上去住信孤篷
異地各遙遠努力念宗功

舟次瓜步

江行勝車馬披覽有餘閒卷帙動能載詩篇行自刪
日入鼓雙棹進舟瓜步山參差望遠岫紆曲入清灣
維纜依人處古桺聊繫攀隔江見新月挂向碧雲端
波動聞擊汰漁艇自往還孤清不成寐欹枕聽潺湲
潮生夜已淡慨然念鄉關

客夜

客窗讀書罷涼月入高樓夜色遙江浦秋風滿石頭
僧房清磬歇佛閣晚鐙留當戶聞蛩語啾啾不肯休

金陵訪顧與治不值
高名累爾閒居少
徒步愁予拜訪稀
直爲過從霏緒
論不辭趨走叩柴扉
江邊作客情殊惡
座上論文願
屢違未敢題門聊獨返
畫橋流水照人衣

僧葦航送菊

客裏看花事已殘
數枝分贈抵琅玕
移從籬下青霜
在綴向檐前玉露溥
故國晚香勞遠夢
石城秋氣動
高寒由來此種黃金
色好與頭陀面共看

九日金陵寓樓獨酌

秣陵一片秋砧
林鐘山下落日照大江
層波紛影射
客子來歲晚梵宇
聊假借令節感易生
羈愁不可瀉
他鄉一尊酒舉首弔王謝
樓居抵登高東籬事可罷
挑鐙讀漢史寂寂江天夜

止飲

止飲惜時日專精讀詩書
古義茫莫辨此生良亦虛
帖括取功名巍然乘軒車
耳食襲常談胸中多空疎
朝投東門刺暮飲西鄰廬
昏昏醉夢中歲月已拋除
達者用酒隱豈酒麴蘖餘
菰苑有奇賞盛名不易居

展卷得我心其樂當何如

送汪五河遊黃山

新安君舊里勝蹟有黃山幽峭誰能盡藤蘿騰可攀
何時攜杖去幾處得詩還儻遇青精飯留餐駐客顏

其二

太華雄吾郡躋攀想昔遊雲連恒嶽泐河帶大梁流
寒雪真難住幽巖未盡撥此歸重有興春日坐峰頭

張修厓招飲留宿有贈

吳酒經年釀千錢買一卮傾多鐙燼落坐久月華移

稚子爭看客家僮解點碁無才愧陳榻盡醉復何辭

效古

少壯難可恃爲樂當及時遊子輕遠行悠悠在天涯
日夕不再中花落寧返枝美人不可見歲月奄已馳
念我羅衣裳又被秋風吹客思多鬱煩素心少所宜
何當生兩翼凌空見容儀

訪僧在遠雨花禪房

久負城南約今過開士居樅籬圍野綠竹影上窗虛
市遠塵囂隔心空樂事餘坐來忘禮俗客意亦蕭疎

其二
別院連山腳香厨汲澗泉
殘碁畱客話霜月照僧眠
嘯傲無拘束徘徊數往還
自貪幽興適不必解逃禪

雨花臺晚望

細路通諸刹高臺俯一城
浮雲橫野斷返照入江明
第宅皆新主山川遶舊京
登臨凝望處冉冉暮烟生

贈倪闇公茂才

南國新知衆過從見子頴
論文忻有合投分契無倫
未脫囊中穎初爲席上珍
相期致寧靜莫漫畏清貧

將母須膺祿持編可負薪
霜蹄真易蹴健翮豈難振
大業無諧俗浮名足累身
莫矜聲籍籍日事走踈踈
祇合三冬足重開萬卷新
行藏吾偃蹇骨格爾嶙峋
作客羞彈鋏思鄉苦憶尊
總因愁俯仰不擬混風塵
書汪五河爲其母輓詩後

汪生手中一編詩將詩示我
淚如絲自言哀傷爲其
母泣向知交乞輓詞汪生
純孝復多才三年廬墓長
干隈一時贈言皆名士就
中李生心獨哀吁嗟乎汝
母棄汝孫繞膝我母棄我
十四日懷中呱呱不解痛

容貌聲音那可悉我父語我泪沾巾母死實由生我
身因之名子曰念慈終天此恨常酸辛人生甘脆隨
所計風木北堂安可繫將來應亦霑微祿墓門木拱
復何濟汪生汪生聽我終斯章努力明德流爾芳古
來顯揚皆有道無爲徘徊悲泣心徒傷

客夜杜蒼舒自采石寄書至言當來白下相看

越日卽至相見狂喜因憶同社諸子情見乎

辭

有客有客采石來買舟看我青溪隈燈前一見各狂

喜高樓大叫金尊開此夕何夕地何地霜天月照石
城寺書來已足破人愁况復相逢疑夢寐憶在池陽
名士繁君家閣上梁氏園招要傾倒無虛日佳句高
文共討論只今分散復東西到處山川音信迷生事
苦人好會少故鄉回首情淒淒

金陵寓中對雪

南國天寒客未歸高樓獨對雪霏霏消愁惟有杯中
物一日開箱一典衣

客中夢遠行與家人別

名曰山房詩集
夢裏辭鄉何所之家人相送涕交頤不知身在天涯
外猶向尊前苦別離

長至日書懷

至日陽生客尚淹溼雲挾雨灑前檐思親夢逐浮灰
動憶弟愁隨弱線添虛閣題詩懷謝眺高門乞食愧
陶潛江邊梅樹看將發欲寄天涯霜雪巖

至日張水蒼餉黃柑白酒卽招趙翁主僧同醉
漫成

故人白酒餉無聊更有霜柑慰寂寥飲去顛狂忘歲
暮傳來風味近春宵隔離老衲時相見共寓鄰翁夜
自招便可登樓同一醉年光回首颯風颺

訪紀伯紫不值

傍水柴門隱者居問君不值正愁余天寒猶插繁花
架巷僻應回俗士車江上詩篇知最富人生良會苦
多疎他時乘興還相訪好趁秦淮雨雪初

臘粥

臘粥依鄉俗客中聊爾爲栗黃冬筍亂粒白曉霜欺
屢祭懷農祖臨餐感歲時庭闈當此日閣箸一愁思

哭馮公宗尼
江上驚傳訃潛然涕滿襟官貧身共歿琴在響俱沈
有子風流續多才魑魅侵雞籠舊遊地長恨積蒼岑
其二
扁舟淮上別豈解是長辭猶記徘徊處空留倡和詩
扶棺憐老僕嗣業望冲兒有母霜鬢在驚聞恐不支

夜坐

一雨江干連十日寒蟬映碧忽明樓因貪倚檻中宵
坐不畏開窗萬里愁南國知交頴問訊天涯蹤跡任

淹留招提旅寄年來慣暮梵晨鐘事事幽

閣夜

客衣典盡敝囊羞日日鐙前取醉休聊爲飲酣能少
寐况逢歲暮正多愁三更殘夢家千里五夜孤吟月
一樓身在江南憶江北輕帆何日過邗溝

江上老人歌贈牛椿年

君不見江上老人牛椿年朱顏霜髮隱壺天七十無
兒不解戚百錢挂杖日頽然醉後時時唱吳曲高歌
且舞意踟躕一聲亢爽入雲際四座色動驚駭睚世

上豈少金貂客老死富貴終憂煎百年于我如過隙
蒲柳望秋凋已先自是君身有異術大藥不與俗夫
傳人生適意貴自取何必登高望遠求神仙

臘月廿二日金陵寓中

去年此日別家園今年此日客思繁故鄉路遙夢不
到樓頭清淚日潺湲十年奔走隨塵土面目向人心
荼苦骯髒輾軻徒爾爲耳熱狂歌空自舞江邊歲暮
春又來感時曉起心徘徊忽憶別離益惆悵獨對寒
梅傾酒杯

家人至聞故居賃人移家南舍湫隘特甚心頗
煩憂作詩遣懷

貧到今年典故居移家新住道南廬苔深頗滑高人
屐地僻仍煩長者車破屋從教斜受月繩牀不礙日
攤書窮愁著述宜棲此慚愧無才賦子虛

其二

茆齋舊築纔容膝合室今依此是家遶屋垣墻低竹
樹凌人風雨溼桐花窮居結客心猶劇亂世求安願
豈賒歸閉柴門讀商頌吾生端不任豪華

送周元服山人遊淮上

扁舟送爾正霜天把臂經時別共憐世事只今如奕
局清流誰復善詩篇厚顏作客吾徒爾華髮依人君
尚然江上繫舟逢賭墅不須重用買山錢

乙未除夕

江上逢除夕淒涼對暮鴉爲儒甘偃蹇作客擲年華
濁酒將排悶新詩代頌花辛盤吾懶對談笑聽鄰家

其二

歲序愁中盡飄零恥壯年比來還自笑常是受人憐

苦思天涯外孤吟蠟炬邊阿咸呼不得聊復一酣眠

丙申元日

客中元日如常日晨起聊爲試筆詩俗累都無差可
喜清齋獨坐亦相宜天涯人長馬牛齒江上春歸梅
柳枝行樂那能須富貴疎慵慚負壯年時

人日對雪

新年六日皆晴霽此日愁看雪覆隄不爲飄零傷旅
食正看戎馬念蒸黎寒侵閣夜澹澹入白壓梅花故
故低良友辛盤宜就飲莫辭雙屐踏春泥

名曰山房詩集
初春懷張水蒼蕪陰

別爾兩句成隔歲相思終日望蕪關磯邊舟泛青蓮
月江上詩題謝眺山時序易催雙鬢改登臨好趁一
身閒鳳凰臺下梅垂發須挂輕帆計日還

將去金陵別僧葦公

客子江上來霜葉紅淡秋客子江上去梅花開正愁
客寓久蕭寺獨與吾師遊過從無晨夕詩詞相倡酬
有時雪月夜攜酒上我樓相對便斟酌澹然無所求
此去寧易別清淚爲一流我行探故舊潯陽江西頭

上下同一水思心日悠悠人生營身家去住各有謀
感君送我情徘徊立道周且復盡杯酒爲君少淹留
銅陵曉發

客別秦關已二霜天涯無處不思鄉銅陵江上春風
起又送征帆入豫章

楊栴

紅雨溪邊迷舊路寒香隴上寄相思春來多少傷心
樹不獨垂楊管別離

小孤山

沿溪十里見崔嵬，突兀凌波接上台。峭壁垂藤喧鳥
雀，晴江倒影見樓臺。天抽怒管中流出浪，打崩崖四
面回。勝蹟欲探愁日暮，何時卻挂片帆來。

江中放舟

廬江城下發凌晨，暮指潯陽近比鄰。迅似征鴻初奮
羽，捷于奔馬不生塵。岸山好處看還失，村樹微時望
已真。自詫一帆何太易，翻憐愁殺守風人。

江州旅次柬王恢傳

孤館風寒冷不勝，吟詩獨對一檠燈。多情惟有春江

雨，伴我金陵到歷陵。

其二

千里懷君便擢舟，相違咫尺反淹留。蕭蕭檐滴空階
上，不信人生不解愁。

其三

一從分散各天涯，便得相逢不是家。今夜江州雙墮
泪，斷腸曾未聽琵琶。

其四

宦途客路總堪憐，坎壈風波浪播遷。爭似故園春釀

名曰山房詩集
熟玉壺提向杏花邊
惠風吹到春
年以文園春

行匡廬山下

匡廬山下識春暉
斜擁籃輿入翠微
滿壑松雲寒客路
低空嵐氣溼征衣
翩翩小鳥銜花去
款款輕鷗掠水飛
景物都從閒處好
市朝須信見來稀

宿圓通寺

石乳峰前日欲曛
老僧留客意慇懃
禪房月皎終宵話
竹徑春寒靜夜分
院裏高松並巢鶴
門邊邃壑忽屯雲
曉來鼉鼓逢逢發
乍擬輕雷入峽聞

廬山道上

遠岫生雲帶野烟
微聞人語隔清泉
何由得到山中住
來徑春畦亂水邊

虎溪

虎溪春水浸春苔
想像當年一笑回
此日山僧迎客至
募緣先過石橋來

王恢傳內兄明府署中夜話

他時未信爲官苦
見爾煩難感最深
亂世功名真破膽
暮年祿養柰關心
供輸屢見貔貅過
出沒還防寇

名曰山房詩集
盜侵五斗消來渾不易窮愁何計可開襟

山行書懷

入山常苦遲出山常畏早豈不憚險艱奇勝愜幽討
性本耽丘壑塵網苦相惱辛苦營飢寒行役窮遠道
仲春過匡廬流覽契懷抱崇嶺杳雲中蒼巖氣鬱瀨
鳴鳥轉新聲迴風扇微燠感時懷故鄉還顧路浩浩
細彼終南山連峰插蒼昊長松挺霜姿飛泉曳素縞
看雲良自怡茹芝可宿飽誰能久風塵至性爲枯槁
友朋足娛樂言歸尋夙好

登滕王閣

帝子高樓去不回中丞重構倚城開九江波遠匡廬
下百粵帆隨贛水來世代幾更空弔古山川無恙且
銜杯天涯爲客王郎似愧爾登臨作賦才

江上送王炳傳還里

束裝待明發送客還故鄉故鄉四千里遠望但蒼蒼
子行到有日我歸安可量去住同是客相思道路長
憶昔少年日嬉戲每相將及今二十載時勢日蒼黃
各有身家謀墮此奔競場東西與南北離別如參商

名曰山房詩集
天涯偶相遇歡然道中賜忽復別我歸萍聚本難常
茲地送君去後會更何方勿爲後會念但盡手中觴
今夕不痛飲明日異帆檣苦無達者識徒效愚者傷
在世皆逆旅何分是他鄉且復陶然醉世事任茫茫

吳城阻風

舟行資帆檣風固所賴我船自南來乃與北颺會
十日坐湖邊維纜依叢蒼驚颺吼高樹奔浪生淺瀨
賈人困馳驟君子或長嘸團團新秋月皎皎挂松檜
此景差可樂開尊對蓊藹淹滯豈不苦怨尤良亦昧

往來各有營順逆遁否泰殘暑時未退蕩滌須靈籟
天地復何心人情自襟帶任運得所適達者遊物外

出湖口弔強玄叅孝廉

強同邑人先是溺死
于此生時每與圍碁

湖上秋陰晝不明北風吹浪賈船驚鮫宮何處理精
衛楚客經過弔屈平波底樓成應有賦岸邊木拱豈
無情爲君淚灑中流急憶拂西園舊奕枰

江魚歎

魚以江水活乃以江水煎當其在江時豈不任自然
一朝遭網罟待烹翠釜邊鑊湯無停沸竈突有餘烟

人魚何相及香餌固其緣吞鉤不飽腹鱗鬣難自全
寄語江中魚相攜入深淵

桐城贈石伯融表伯

伯也不羈才放懷大宇宙任俠過五陵藩籬那可囿
吁嗟時未會驂騑困馳驟至今千里心不屑顧櫪廐
憶昔童子年垂髫走親舊紛紛同輩中謂余獨穎秀
嗣茲屢見器情親及婚媾傷哉蕙草摧徒感此意厚
伯出遊廣陵廿年未一覲及今見南中忽復滄桑後
仲叔早飛騰江邊綰墨綬頽年極苦辛嘉猷行可奏
故園丘隴存親識况輻輳攜家念土輕斯言或亦謬
相期返舊居庭草未全茂

登浮渡山

萬綠蒼山下莊嚴佛寺開雜花緣路植野水到門回
茶藥供僧隱巉巖對客杯勝遊思秉燭秋月逐人來

其二

山氣晚氤氳陶然引夕醺虛檐平逗月高殿俯過雲
螢火林中見松濤枕上聞置身諸界外何處有塵氛

其三

月落千林曙凌晨到上方諸喧過嶺寂重絮入山涼
循壁撥題字登危見石牀多時癖疎懶及此發清狂

其四

絕頂憑誰引蒼藤乍可攀偶然臨福地不信在人間
湖水遙通艇江光日浸山東南百戰後登眺淚潺湲

其五

石嶺蒼龍似天池玉女如比來客子恨不得故鄉書
落日蘆筒酒秋風渭水魚幽居還可樂誰復羨軒車

滌岑招隱詩贈陳默公先生

石氣根青窈山麓入城來幽人耽朝爽卜築類徂徠
小樓倚翠壁啟牖接高臺樹垂行偃僂石觸路紆迴
乍登神已曠屢陟眼更開龍眠何萃律桐溪自滌洄
烟生萬戶暝砧杵暮聲哀主人催命酌童子擎尊罍
烹鮮膾鱗族炙鹿割仙胎是時方九月涼月照石苔
霜重秋在林黃菊傍檐栽論文花影際引燭牙籤堆
著述盈一尺高名日崔嵬詞賦供忻賞山水快追陪
幽棲信所適高臥世無猜回首歎塵網逐逐空氛埃
題西陵女子抱鴛圖爲方爾止悼亡

越女天下白楚客千古狂如何中道別生死兩相望

其二

暫別常相憶長眠柰若何知君傷往淚秋雨未爲多

其三

開軸君先痛披圖人盡憐飛霜真太惡六月倒池蓮

其四

明李夢陽夫人左氏卒有結腸詩集中載其事爾止夫人先卒亦左氏也

構患雖外家伉儷君自篤須有結腸詩攜持同一束

七夕

天上還睽隔傳聞定未真年年當此夕空感別離人

秋日孫喈公招飲晚香堂同郭冰壺姚明兩經

三翼侯四君醉歌

孫子開筵當清秋諸君踵至同綢繆吾儕交結非神
合安能一見若舊遊文犀之杯注老春晶盤玉筋行
錦鱗把臂極盡新知樂何用禮數空逡巡鐙明月白
不可孤擲骰賭飲呼臬盧病軀對此意飛動力疾從
君傾百壺庭前桂樹爛熳開西風吹香入尊罍他鄉
好友能醉客離愁于我何有哉酒闌耳熱更放歌卻
思人世還幾何那能蹙眉偃蹇待富貴坐傷去日疾

如梭但當肆意飲美酒莫教少壯成蹉跎

雨夜飲姚經三齋索畫

憐君詩思清無敵繪事還看奪化工萬態烟嵐生筆
下三春花鳥出胷中家纔足稻常畱客堂僅容人不
送窮我亦含毫寫丘壑輞川能事恨難同

九日客桐城有感

纔驚江國梅無賴又見山城菊可憐兩地看花同夢
鹿一身作客任風鳶愁淡家弟分萸日俸損賢侯送
酒錢節序感人鄉恨切登高回首肅霜天

杪秋與諸子游龍眠山信宿椒園

皖桐郭北萬峰青野館幽尋快未經入谷烟雲渾冪
冪環門松竹盡亭亭崖根波膩鴨頭色山腹皺開鬼
面形處處林園可招隱不知誰是少微星

其二

春遊期與故人偕此日躋攀願不乖夜靜溪聲喧峽
口山高星影落天街秋潭石馬瞿唐險晚釣金鱗丙
穴佳痛飲狂歌休更惜須教一枕到無懷

其三

山中信宿澹忘歸，忍着芒鞋出翠微。
飲處回看雲已合，到來猶及蟹初肥。
行行躑躅依芳樹，故故淹留坐石磯。
松際遙憐人去後，月華空照薜蘿稀。

椒園戲作

種椒人去幾時還，尚有秋紅映石斑。
一自公麟圖畫出，至今常是李家山。

龍眠遊歸喜方田伯位伯見過至夜邀集高齋
有贈兼索其尊公無大士繪妙

相逢有酒卽成歡，對爾鄉愁可暫寬。
家世詞華窮二

酉弟昆才思比雙難，歲時又值魚龍臥。
江海空隨雁鷺餐，大士畫圖聞絕代。
從公乞寫一峰寒。

月夜集左子直內齋限韻

流蘇帳裊篆烟焚，戶牖籠紗結綺文。
斗酒原供良夜酌，輕歌偏稱曲房聞。
琴臺何幸容淡坐，金屋難忘縱薄醺。
怪得先生常晏起，朝來畱帶一牀雲。

其二

鏡臺蟾影鬪妖嬈，竹葉尊開寶瑟調。
自有延年工度曲，况聞嬴女善吹簫。
香奩得句吟香閣，絳蠟生花映

絳綃玳瑁雙棲真妬爾天涯多少可憐宵

孫喈公內齋小飲

邃閣開清酌移鐙過曲廊烹茶擊淺碧剝栗見淡黃
細篆香生座繁花幔覆牀此中夜應短客舍漏何長

桐城贈石仲昭表叔明府

露下江天菊有華龍眠仙窟碧雲遮詩成山署秋調
鶴訟簡公庭晝放衙王子何年飛玉鳥葛洪有日就
丹砂開尊恰對茱萸節爛醉從教白鬢緜

壽馬母

馬子磊落士豪邁今無耦縞紵十年餘澹泊交情厚
前春遊南紀遇我大江右共棹向皖桐客寓日握手
龍眠霜色淡步履尋秋柳耳熱談縱橫淋漓傾百斗
此方名士繁好客十八九傾座一見君投分爭為友
君言歸思切高堂有老母本為甘脆出所遇多不偶
以此成羈縲流蕩天涯久往還淹數旬念母常在口
諸子感君孝詩詞贈多有君攜仁人贈歸為北堂壽
未審陶家郎奉觴有此否有子傾名流華廡亦其後

九月左子直宅看紅梅

今年歲暮多暄暖九月朱梅又見開菊畔瘦窺高士
榻霜前紅暈女兒腮頻看玉笋招邀去小插銀瓶折
贈來作客經秋無好夢羅浮林下故重回

山中戲嘲左壯于趨歸城中時壯于新婚

遠峰著黛勝新粧每到林巒便欲狂何事龍眠左仲
子入山不及出山忙

宴集陳默公滌岑喜吳亞侯自浮山來同酌卽

送左子直遊粵東

我遊浮渡山頗愛山崔嵬吳君山中住幽居寡尤悔

攜詩出青冥博奧窮搜採鐙下過岑樓開尊出珍醢
賦詩送客行挂帆向南海嶺南暖氣饒冬花若翦綵
萬里誠壯遊前驅得令宰嗟余別故園裘葛忽三改
去秋聞歲饑妻孥恐凍餒冬初期日歸霜風不我待
它鄉復送客愁思增百倍君去早言歸桐江聽欵乃
樓中有少婦相思夢芳蒨

龍眠將發諸子祖酌晚香堂畱別兼送左子直

遊粵東

客病因愁劇情親惜別忙那堪衝雨雪獨自上舟航

名曰山房詩集
北去雲山迴南征道路長臨岐思縱酒檢點只空囊
出桐郊承諸子攜具相送留別

挈榼霜棚下提壺綠水邊何知三月客偏得衆君憐
裘敝風全入情淡馬不前素交同骨肉歸去亦潸然

次樅陽別孫子毅再送左二子直

君住大江口我來大江頭維舟便過訪同調忻相求
握手訂交好旋復命金甌我向城中去愁吟過一秋
棹返重把臂下榻高齋幽雄談數日夕尊酒頗綢繆
亦或肆辨難夜分不肯休羨君年力富已見學業優

憶昨重九日同過陳氏樓席間吟佳句敏捷氣不浮
以茲爽朗才策名豈所憂何當簡應接乘暇極討搜
古人勤夜讀燈火帷中篝學成心愈下疑義多咨謀
鳳池君故物努力在一收客行當十月雨雪驕敝裘
木落林黯黯江寒風颼颼是時左仲子亦有粵東遊
共此鐙燭夕同上木蘭舟分袂自茲去相思各悠悠

雪

北風颯颯動衣裾山下孤村雨雪初憶別家園三見
爾每逢飄落一愁予梅堂夜冷堪傳竚麥隴春來好

荷鋤願得長貧休浪跡茅檐淡映五車書

春日三首

終日言歸未得歸江邊桃李忽芳菲祇應高臥憑春
盡忍使看花淚溼衣

其二

耽僻無營只閉門野塘花落又黃昏更懸明月青山
上照引香醪坐竹根

其三

日日高歌倚寺樓亂花繁萼滿芳洲春光爛熳供人

醉底事寬胸更著愁

清明

幽臥都忘節序更傷人爲說是清明三年拜掃違溼
泔萬里飄蓬對石城春雨定霑村路溼江花偏照客
愁生風帆每日看應盡腸斷歸期總未成

金陵將歸喜杜公履至得家信

知汝遠來到京口無由便見只顛狂漫開書札真愁
思細問生涯轉斷腸舟楫橫江飛送客鶯花夾路急
還鄉頻年縱使垂空橐預擬趨庭意興長

金陵舟發別顧與治

流浪渾萍跡三年此日歸知交離思重去住寸心違
曉岸舟將發春城花正飛欲行聊復泊惆悵兩依依

其二

南國推詞客論交最重君忘年呼小友抱樸近先民
譽毀從時俗才思忌鬼神衰年常臥病藥餌正須親

其三

家計盡羣侮無營生事艱只今罷田累終日掩柴關
炊食憑孀女著書有好顏新詩休散失珍重貯青山

憂旱

別家忽三歲時時念故鄉况復聞大旱赤地接甘涼
一春絕雨澤原野無青黃千錢買斗米閭閻皆驚惶
嗟此貧窶民何以充空腸兵火逾廿載民窮非一方
人情習反側安能守紀綱歲饑變易生憂心更皇皇
三月渡江水趨歸省高堂遊囊亦薄劣救飢非所將
詩書雖滿篋豈堪易稻粱侵星逐行旅畢景陟崇岡
馬上望雲物杲日方荒荒每食生歎息對酒不能嘗
何當遣壯士一爲倒滄浪

名曰山房詩集
憂旱不眠

竹外月嬋娟愁思夜不眠舞雩聞處處屏水日連連
稻莢依乾土河流滯重船民生何日息徒倚望高天

途中苦熱書所見

茅屋誰家大道東披襟野老坐當風依依楊柳垂門
綠的的榴花出院紅戲引兒童看乳鴨閒排碁子喚
鄰翁路傍行客緣何事亭午揮鞭赤日中

將曉過商丘北門

碧天殘月落獨馬過梁園鳥語繁爭曙牛歌緩出村

微窺綠郭路未覺近城喧負米慚無補馳驅不敢論

宋中遇雨

杲日照梁宋毒熱鑠金石關西維我里傳聞地盡赤
秦俗重麥秋焦卷不盈尺農務貴親勤我倉久罕積
今年大饑饉倉皇少計策歸路畏炎暑中宵起行役
逢人西北來動問惟雨澤四月已將半行行宋中夕
野雲忽縱橫微雨灑廣陌道路少清曠暮天仍空碧
屢經兵燹後萬姓未安魄苗乾賦猶在豪猾况需索
雩鼓道相望蛟龍竟脉脉流離行滿眼盜賊且充斥

所悲在四方不獨八口厄焚巫與暴庭此事古無益
召診或有原傷哉誰爲白

寧陵曉發

城頭猶擊柝客子已宵征堤柳垂垂暗村烟漠漠平
愁心縈夜色歸路逐鵲聲萬事催行役勞勞送此生

歸自南中上韓幼公先生

十載風塵客沉淪久低昂迷途逢藻鑑手植向宮牆
嘗彼草木質扇和待東皇沍寒顏色戚乍得覩春陽
枝葉雖未茂向日有輝光午秋一爲別北去歷風霜

折羽事南征萍踪浮江湘家貧俯仰困况復屢歲荒
行役代負粟懷刺走遠方厚顏投所知人情多蒼黃
懷歸歸不得留滯空江鄉軼軻古皆有何足縈中腸
獨念三載來未登夫子堂夫子賢豪人分符值窮疆
時方高浚歛視民獨恐傷以此催科拙灑然解銅章
勢屈道乃伸遷次復何妨橫流賴君子蒼生悉所望
會當思良牧簡擢入拜颺脫茲守令苦九遠任徜徉

...

...

...

...



